

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Suliassat nalinginnaasut

- Imm. 04** Sisimiut 2014-imit 2017 tikillugu ineriartortinneqarnissaa.
- Imm. 05** Unioqqutitsisoqartillugu akiligassiisoqartalernissap atuutsilersinneqarnissaa.
- Imm. 06** Mittarfikumi sanaartorfissaq 1.4-mi sanaartornermi atortunut ilitsivissamik qinnuteqaat.
- Imm. 07** Qeqqata Kommuniani eqalunniarnermut ileqqoreqqusap nutarterneqarnera pillugu siunnersuut.
- Imm. 08** Qeqqata Kommuniani qilalukkanik qaqortanik qernertanillu illersuineq piniarnerlu pillugit ileqqoreqqusaq.
- Imm. 09** Qilalukkanik qaqortanik qernertanillu pisassiissutit sinnerinit nuussineq pillugit tusarniaaneq.
- Imm. 10** KANUKOKA – Ilulissani ulluni 13. – 14. juuni 2013 aallartitat ataatsimiinnissaat.

Paasissutissiissutit

- Imm. 11** Maniitsumi utoqqaat illuanik Neriusaamik allanngortiterineq pillugu paasissutissiissut.
- Imm. 12** Aqutsivik Sisimiut 2013-mi tikaagullit pingasut qoorortoorsorluni pisassat agguaanissaat pillugu paasissutissiissut.
- Imm. 13** Aqutsivik Maniitsoq 2013-mi tikaagullit pingasut qoorortoorsorluni pisassat agguaanissaat pillugu paasissutissiissut
- Imm. 14** 2013-mi Qeqqata Kommunianut qipoqqaat pisassiissutit pingasut agguanneqarnerat pillugu paasissutissiissut.
- Imm. 15** Qeqqata Kommuniani kommunip susassa qarfiinik aqutsinermik ileqqoreqqusanik allannguinissamat siunnersuut.
- Imm. 16** Tamalaat.



Ataatsimiinneq Sisimiuni ingerlanneqassaaq aallartissallunilu nal. 8:30

Peqataasut:

Atassut

Inuit Ataqaatigiit

Siumut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Imm. 02 Borgmesterip nalunaarutaa

Aalajangiineq

Imm. 03 Ataatsimiititaliani siulittaasut nalunaarutaat

Aalajangiineq

Imm. 04 Sisimiut 2014-imit 2017 tikillugu ineriartortinneqarnissaa

Journalnr. 17.02 konto 77.

Tunuliaqutaq

Illoqarfiup ineriartortinneqarnissaani tulleriiaarinissaq, taamaalillunilu sanaartorfigissaanissamut aningaasalersuinissaq eqqarsaatigalugit, kommunip pilersaarusiortifigineqarnerani periarfissat politikikkut tulleriiaarneqarnissaat pisariaqarpoq.

2014-imit missingersuusiornissaq, kommunip pilersaarusiortineqarneranut tapiliussassaq, sanaartorfigissaanissallu tulleriiaarneqarnissaat eqqarsaatigalugit, ukiuni aggersuni illoqarfik sua-tungaanut ineriartortinneqarnissaa pillugu kingusinnerpaamik aggustip qaammataani aalajangiisoqarnissaa pisariaqarpoq.

Maannakkut Umiivitsiap kujataa-tungaani ilinniartunut inissiaqarfik immikkoortorta 800 – A 53, Kangerluarsunnguamilu inuutissarsiorfissaq B8 kisimik sanaartorfigissarneqarput. Maannakkut illoqarfimmi, pingaartumik Akiani A20-mi sanaartorfissat tallimaannaapput, taamatullu ilaqtariinnut arlalinnut inissiat 36-t missaat kiisalu ilaqtariinnut ataatsinut illussat marluk.

Maleruagassatigut tunngavissat

Pilersaarusiortineq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq.

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisissaat nr. 16, 17. november 2010-imeersoq.

Pissutsit atuuttut

Ukiut qulit missaasa ingerlanerini, illoqarfiup ineriartortinneqarnissaani Akiani ilaqtariinnut illulioriternerit pingaartumik ingerlanneqarsimapput.

Pilersaarut siornatigut akuersissutigineqarsimasoq naapertorlugu Danmark-imi Trafikstyrelsen-ip (Statens Lufthavnsvesen) immikkut akuersissummik tunniussinnginnera pillugu Akiata ineriartortinneqarnera unittoqqagallarpoq. Immikkoortuni A22-mi A23-milu (kommunip pilersaarusiortifigineqarneranut tapiliussaq 41) sanaartukkat ilaat, mittarfiup eqqaani qutsissuseq 55 meteri qaangerneqaaqqaanngitsoq qaangeqqammatigut immikkut akuersissummik peqqaartussaavugut. Tamatumani aamma najugaqarfissiasamat sinerik sinerlugu aqqusinniassa q aamma taamatorluinnaq ippoq. Qullersuit il.il. pillugit aqqusineq kote 49 qaangerlugu pilersinneqaaqqaanngilaq. Kommunip pilersaarusiortifigineqarneranut tapiliussaq nr. 41 naapertorlugu aqquserngup ilaa kote 53,5-imiippoq, taamaattumillu immikkut akuerineqartariaqarluni.

Immikkut akuersissuteqarani sanaartortoqassappat, mittarfik timmisartunit miffiqeqqusaajunnaassaaq.

A22-mi A23-milu nutaamik sanaartorneq aallaavigalugu timmisartut mittarfimmut mikkiartortarnerat tingisarnerallu qanoq isumannaatsiginerat paasiumallugu, kommuni 2012-ip upernaani nalilersuisitsivoq. Nalilersuereernerimi, immikkut akuersissummik tunniussinissaq ersarissummik innersuussutigineqarpoq. Naatsumik nassuiaatigalugu ima oqaatigineqarpoq, timmisartut sanaartorfiginiakkap nalaanniikkunik, qanoq pisoqaraluarpalluunniit ajunaassasut. Timmisartut silaannarmi aqutissaannik qulakkeerinnittumik, naak timmisartut aallarniartillutik mikkiartortilluunniit motoritigut ajornartorsiuteqalissagaluarpata, isumannaallisaaneq pillugu akuersissummi atuuttumi aalajangersimasumik aqutissaqarput.

Mittarfeqarfiit aamma Namminersorlutik Oqartussat, Statens Lufthavnsvæsen-imut innersuussuteqarnikummata, immikkut akuersissummik tunniussisoqarnissaanut isumalluarnarpoq. Taamaakkaluartoq Mittarfeqarfiup aamma Statens Lufthavnsvæsen-ip suliaq manna tikillugu ukioq ataaseq sinnerlugu suliaaraat.

Taamaattumik immikkut akuersissuteqarnissaq sivitsussappat, immikkulluunniit akuersissummik tunineqassanngikkaluarutta suut periarfissaanersut misissorneqarput.

Qeqqata Kommuniata pilersaaruserfigineqarnerani, Sisimiuni najugaqarfissiatut tullinnguuttut immikkoortinneqarnikuupput:

A53-imi Umiivitsiap kujataa-tungaani ilinniartunut najugaqarfissiaq, A51-imi Paaraarsummi najugaqarfissiaq, A50-imi Berthelsenip aquserngani najugaqarfissiaq kiisalu A52-imi Qiviarfimmi/Nikkorsuarni najugaqarfissiaq. Illoqarfimmi sanaartukkat eqikkarniarlugit, taamaalillunilu pilersuinermi attaveqaatit pitsaanerusumik atorluarneqarnerunissaat kiisalu Akianut tunngatillugu immikkut akuersissummik tunineqarnissarput utaqqineqassappat periarfissat qulakkearniarlugit, najugaqarfissiat taakku kommunip pilersaaruserfigineqarneranut ilanngunneqarnikuupput.

Tamatuma saniatigut Akiani C14-imi, C15-imi A26-milu sanaartornermut atatillugu, immikkut akuersissut utaqqinngikkaluarlugu sanaartortoqarsinnaavoq.

Immikkut akuersissummik tunineqaraluarutta immikkoortortat A22 – A23 aamma A 28 – A 32, ukiup ataatsip marlulluunniit ingerlanerini ilanngunneqarsinnaassapput.

Najugaqarfissiat assigiinngitsut, sanaartukkat qanoq ittuunissaannik naatsorsuutigisat ilanngullugit takussusiorneqarnerat.

	Ilaqutariinnut ataatsinut illut – siammasissunik pukkitsunillu sanaartukkat	Uiguleriit - sanaartukkat akulikitsut/pukkitsut	Marlunnik quleriillit	Pingasunik amerlanerusunillu unniit quleriillit	Illut Katillugit annerpaamik	Pilerinartumik inissisimasut 1 - 5
A 50	10 el	20			20	4-5
A 51	9 el 20	12	94	40	164	3 - 5
A 52				36	36	3 - 4
A 53				400	400	5
A22 A23	9	32	36	75	152	2-4
A 26			30	24	54	3-4
A 28	10			32	42	4-5
A 29	3			32	35	3-4
A 30	8			50	58	4-5
A 31	6				6	5
A 32	6			32	38	3-4

Katillugit sanaartukkat nutaat nuuffissatut naatsorsuutigineqartut 1004 tikillugit; Paamaap Kuuani nutarterinerup, inissiarlu ataaseq aallaavigalugu innuttaasut ikilinerisa kingunerisaanik.

Maluginiarneqassaaq, sanaartugassat amerlassusissaat eqqoriaanertut, katinnerilu annerpaatut amerlassusissatut isigineqassammata. Sanaartukkat qanoq ittut, qanorlu angitigisut sanaartorniarneqartussat inaarutaasumik pilersaarutinut ilanngunneqartussat apeqqutaallutik, sanaartugassat qanoq amerlatigissanersut apeqqutaavoq.

Aningaasaqarnikkut allaffissornikkullu kingunerisinnaasai

Illoqarfiup ineriartortinneqarnissaa qulakkeerniarlugu, ukiuni tulliuuttuni kommuni pilersaarusiortifigineqassaaq, soorlutaaq sanaartorfigissaanissat aningaasaliiffigineqassasut. Suliassat eqqarsaatigalugit siunissamut ungasinnerusumut pilersaarusiortutta, kingunissai annerussapput. Innaallagissap erngullu aqputaanut kiisalu ilaatigut avammut kiammik pilersuinermut peqataanissaat qulakkeerniarlugu Nukissiorfiit suleqatigineqassaaq. Tamanna pillugu oqaloqatigiinnissaaq aallartinneqassaaq. Sanaartorfigissaanermi eqqoriaaginnarluni akigititassat ilanngussaaq 3-mi takussusiorneqarput.

Sanaartortitsisut assigiinngitsut sanaartugassat assigiinngitsut ujartugaat eqqarsaatigalugit periarfissaqartuutitsinngikkutta, assassortut suliffissaaleqinissaanni, periarfissanillu annaasaqarneq aningaasatigut annertuumik kinguneqassaaq. Tamatuma saniatigut sanaartortitsisussanut assigiinngitsunut sanaartorfissat assigiinngitsut neqeroortigisinnaagaluarutsigit, Sisimiuni unammillernermik aallartitsissaaq.

Atuilluartuunissamut kinguneqaatissat

Siunissami illoqarfiup ineriartortinneqarnissaani sapinngisamik atuilluarfiusinnaasut atorluarneqartarnissaat anguniagaavoq. Atuilluarfiusinnaasut immikkoortortassani tamani tamaasa ilanngutinngikkaluarlugit, tullinnguuttumi assersuutit taakkartorneqarput:

- Immikkoortortani pisuinnarluni sikkilerluniluunniit angalasinnaaneq ajornaallisinniarlugu soqutiginarsisinniarlugulu, pisuinnaat sikkilillu aqputaannik pilersitsineq – motorilinnik angallatilinnut nalilliullugu avatangiisinut mingutsitsinnginnerullunilu ulluinnarni timi atorneqarnerusinnaavoq.
- Nukissiuutitigut pilersuiviit ataatsimut eqqarsaatigalugit, nukinnik atuilluarneq. Assersuutigalugu avammut kiammik pilersuineq annertusillugu, ikuallaavimmit kissap sinneruttup atorneqarnera.
- Assersuutigalugu avammut kiammik pilersuineq ilutigalugu erngup kuuffissuillu aqputaat qerisoornissaat pinaveersaarniarlugu taakkununga kissamik pilersuilluni, pilersuiviit pilersinneqarnissaanni ataatsimoortumik iliuseqarniarneq.
- Assersuutigalugu najugaqarfissiani qitiusumik pinnguartarfiliilluni ataatsimoortarfiliillunilu innuttaasunut pitsaasumik atugassaqartitsineq tunngaviutillugu sanaartortoqarnissaa aqputissiuukkusunnarpoq.
- Meeqqeriveqarfiiit allallu sanaartukkanut naleqqussarlugit sanaartorneqarnissaat periarfissillugu.
- Illoqarfiup qiterpasissuani amerlanerusumik pilersitsilluta illoqarfik ineriartortikkutsigu, assartuussinerit ikilinerussapput, soorlutaaq aqquserngit aqputillu naannerusut pilersinneqarlutillu ingerlanneqassapput.

Qullersaqarfiup oqaaseqaataa

Annerusumik oqaaseqaatissaqanngilaq.

Allaffeqarfiup naliliinera

Allaffeqarfik isumaqarpoq, ineriartortitsinissami pilersaarusiornissami assigiinngitsunut siunertanut sanaartorfissat pigineqarnissaat sammissallugu pingaaruteqartoq. Matumani najugaqarfiliassatut pisariaqartit assigiinngitsut eqqarsaatigineqarniassammata, naak pisariaqartinneqartut nikerarsinnaasaraluartut, Namminersorlutik Oqartussammi suliniarfii allanngorartaqimmata, taamaalillunilu aamma aningaasaleeriaaseq allanngortarluni. Ilaqutariinnut ataatsinut najugaqarfiliorneq soqutigineqariarluni, qanoq pisoqanngitsoq inissiaatileqatigiiffinnik inissialiornissaaq soqutigineqartarpoq.



Oqaatigineqassaaq, illoqarfiup qiterpasissuani, aamma utoqqaat angerlarsimaffiat innarluutilillu ornittagaat, pisinnaanerusullu namminneq pisiniarfiliarsinnaanissaat eqqarsaatigalugit, innarluutilinnut utoqqarnullu najugaqarfissianut immikkoortitsisoqartariaqarmat. Innuttaasut taakku immikkut sammineqartariaqarput, minnerunngitsumik kommunip Namminersorlutik Oqartussanut missingersuutitigut kissaataanni taakkunnunga inissialiortiternissat annertuumik pingaartinneqarmata.

Najugaqarfissiani sanaartorfigissareernikuusuni Akiani 24-t missaannik, aamma Umiivitsiap kujataa-tungaani A53-imi ilinniartunut inissiassat taakku 400-t affaasa missaat ilaqutariinnut inissiannngortinneqaraluarpata, 100-t missaannik quleriinni inissialiortoqarsinnaaneranik periarfissaqarpoq. Ilinniartunut inissianut pioreersunut atatillugu ilinniartunut inissiat 200-t missaanniittunut inissaqartitsisoqarsinnaanissaa ilimagineqarpoq. Sukkulaatiliortifup eqqaani, inginiørinnngornianut inissiat eqqaanni kiisalu Sanaartormermik Ilinniarfimmi ilinniartunut inissiat pioreersut nutaannngorsarneqarnerasigut.

Ilaqutariinnut ataatsinut sanaartukkat saniatigut, sanaartukkat pukkillutik siammasissunik pukkitsunillu sanaartukkat, piginneqatigiilluni inissiaasinnaasut siunissami qaninnerusumi amigaatigissavagut.

A22-mi aamma A23-mi kiisalu A50-imi aamma 51-imi taama ittunik sanaartugaqarpoq, taamaattumillu immikkut akuersissummik tunineqanngikkaluarutta tunineqaraluartuttaluunniit siunissami qaninnerusumi pisariaqartinneqartut naammassisinnaavagut. Taamaakkaluartoq A28 – A32-mi periarfissaqarneruvoq.

Immikkoortut A53-imi aamma A52-imi aqutissiaqarmat, taakku kisimik sanaartortitsisunut neqeroortigineqarsinnaapput. A22/23-mut pilersaaruteqareerpoq, aqqusiornissarli ukiumik ataatsimik sivilissuseqassaaq. Sanaartorfigissaanissamik aalajangiisoqareerpat, immikkoortortat allat sanaartortitsisussap siunnersuusiortifigissavai (pilersaarutissatut siunnersuut), pilersaarusiornissaq suliariumannittussarsiuunneqassaaq, pilersaarusiormermillu suliaqartoq peqatigalugu pilersaarutitigut tunngaviit naleqqussarneqariarlutik inaarutaasumik akuersissutigineqassaaq, kingornalu suliasat suliariumannittussarsiuunneqarlutik. Tamanna ukiup ataatsip missaanik sivilissuseqassaaq. Tamakku pereerpata, sulinermi aqutissaq kuuffissualersuiffissallu assanneqassapput, taakkulu aamma ukiup ataatsip missaanik suliarineqassallutik. Taamaattumik immikkoortortat taakku sanaartorfigissarneqarnissaannik aalajangiiffigineqarnerinit, minnerpaamik ukiup marluk qaangiuppata aatsaat sanaartorfissat sanaartortitsisussanut neqeroortigineqarsinnaanngussapput.

Allaffeqarfiup nalilerpaa, maannakkut kommunip pilersaarusiortifigineqarnerani siunnersuutigineqartut illoqarfik ineriartortinneqaaqqissaguni, aggstip qaammataa sioqqullugu immikkut akuersissummik tunineqassagutta, najugaqarfissiat nutaat tullinnguuttut pingaarnersiorneqassasut.

Immikkut akuersissummik tunineqassagalarutta, tullinnguuttut tullerriaarisoqassasoq innersuussutigineqarpoq:

1. A22 + A23 (kpt. 41) kiisalu Akiani A28 – A32-mut aqquserngup nanginneqarnissaa.
2. A52 utoqqarnut inissianut innarluutilinnullu inissianut
3. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq
4. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
5. A26 + C14 aamma C15 meeqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.



Immikkoortortat taakku sanaartorfigissarneqarnissaat eqqoriaaginnarluni katillugit 53 mio. koruuninik naleqassangatinneqarpoq, agguaqatigiissilluguluunniit inissiamut ataatsimut 174.000 koruuneqassangatinneqarluni. Aningaasartuutissat ukiunut sisamanut-tallimanut agguataarneqarsinnaassapput.

Immikkut akuersissummik tunineqassanngikkaluarutta, tullinnguuttut pingaarnersiuisoqassasoq innersuussutigineqarpoq:

1. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq – periarfissatut A52. Qutsinnersanilu allani siammasissunik pukkitsunillu sanaartukkanut aamma akulikitsunik/ pukkitsunik sanaartukkanut kiisalu sanaartukkat marlunnik, pingasunik sisamanillu quleriit
2. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
3. A26 + C14 aamma C15 pisiniarfinnik, allaffinnik, meeqquerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Immikkoortortat taakku sanaartorfigissarneqarnissaat eqqoriaaginnarluni katillugit 41 mio. koruuninik naleqassangatinneqarpoq, agguaqatigiissilluguluunniit inissiamut ataatsimut 158.000 koruuneqassangatinneqarluni.

Matumani Akiani A20-mit sanaartorfissanut A30-mut aamma A28-mut atsinnerusumik aqquinniorqarsinnaanissaanut pilersaaruserneqassaaq.

Erseqqissaatigineqassaaq, immikkut akuersissummik pissarsissanngikkutta, ilaqutariinnut ataatsinut aamma piginneqatigiilluni inissialiortiternissanut qinnuteqaatit akuerineqarnissaat ajornakusuulissammat.

Allaffeqarfiup innersuussutaa

Allaffeqarfiup innersuussutigaa, Teknikkimut Avatangiisinullu ataatsimiititaliap aamma Aningaasaqarnermut ataatsimiititaliap kommunalabestyrelsimut innersuussutigaa, Akianut tunngatillugu immikkut akuersissummik tunineqassagaluarutta, najugaqarfissiat tullinnguuttut pingaartinneqassasut:

1. A22 + A23 (kpt. 41) kiisalu Akiani A28 – A32-mut aqquuserngup nangiinneqarnissaa.
2. A52 utoqqarnut inissianut innarluutilinnullu inissianut
3. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq
4. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
5. A26 + C14 aamma C15 meeqquerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.



Naatsorsuutigisaraluamit immikkut akuersissummik tunineqassanngikkaluarutta, najugaqarfissiat tullinnguuttut pingaartinneqassapput:

1. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq – periarfissatut A52. Qutsinnersanilu allani siammasissunik pukkitsunillu sanaartukkanut aamma akulikitsunik/ pukkitsunik sanaartukkanut kiisalu sanaartukkat marlunnik, pingasunik sisamanillu quleriit
2. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
3. A26 + C14 aamma C15 pisiniarfinnik, allaffinnik, meeqqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 28-ani 2013-imi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalabestyrelsimut innersuussutigissavaa, Akianut tunngatillugu immikkut akuersissummik tunineqassagaluarutta, najugaqarfissiat tullinnguuttut pingaartinneqassasut:

1. A22 + A23 (kpt. 41) kiisalu Akiani A28 – A32-mut aqquserngup nanginneqarnissaa.
2. A52 utoqqarnut inissianut innarluutilinnullu inissianut
3. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq
4. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
5. A26 + C14 aamma C15 meeqqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Naatsorsuutigisaraluamit immikkut akuersissummik tunineqassanngikkaluarutta, najugaqarfissiat tullinnguuttut pingaartinneqassapput:

1. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq – periarfissatut A52. Qutsinnersanilu allani siammasissunik pukkitsunillu sanaartukkanut aamma akulikitsunik/ pukkitsunik sanaartukkanut kiisalu sanaartukkat marlunnik, pingasunik sisamanillu quleriit
2. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
3. A26 + C14 aamma C15 pisiniarfinnik, allaffinnik, meeqqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Aalajangiineq

Ilanngussat

1. Akiani sanaartorfigissagassat titartarnerat
2. Sisimiut kitaa-tungaani sanaartorfigissagassat titartarnerat
3. Imeq+innaallagiaq, missingersuut D ilanngunnagit sanaartorfigissaasitsinissami aningaasartuutissat.



Imm. 05 Unioqqutitsisoqartillugu akiligassiisoqartalernissap atuutsilersinneqarnissaa

Journalnr. 18.01

Tunuliaqutaq

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersup atuutilernerata kingunerisaanik, unioqqutitsisoqartillugu § 62 naapertorlugu kommunalbestyrelsi pinngitsaaliissummik akiliisussanngortitsisinnaalernikuvoq.

Unioqqutitsinikkut akiligassiisuteqartalernissaanik innersuussut, februaarimi TAI-mut saqqumiunneqarnikuvoq, innuttaasullu tusarniarneqarnissaat taamani aalajangiutaalluni. Siunnersuut kommu-nip quppersagaatigut/nittartagaatigut SivdleK'-ullu takusassiarineqarnikuvoq.

Maleruagassatigut tunngavissat

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq, pingaartumik:

§ 60 Kommunalbestyrelsip pilersaarusiornermut nunaminertanullu inatsisip maleruagassallu taakkua tunngavigalugit maleruagassiaasut malinneqarnissaat nakkutigissavaa.

Imm. 2. Pissutsinik inatsisinik unioqqutitsisunik kommunalbestyrelsi paasisaqaruni, kommunalbestyrelsip illuummi piginnittoq imaluunniit nunaminertamik atuisoq kommunalbestyrelsip piffissaliussaata iluani pissutsinik inatsisinut naapertuuttumik iluarseeqqullugu peqqussavaa. Kommunalbestyrelsi aalajangersinnaavoq inatsisinut naapertuuttunngortitsineq pissutsip aaqqinneratigut imaluunniit inatsisitigut iluarsinikkut pissanersoq.

Imm. 3. Kommunalbestyrelsip Inatsisartut inatsisaat manna, maleruagassat Inatsisartut inatsisaat manna naapertorlugu aalajangersagaasut kiisalu aalajangersakkat § 66, imm. 3 naapertorlugu atuutsinnarneqartut malillugit peqqussutaasut inerteqqutaasullu eqquutsinneqarnissaat aamma atugassarititaasut akuersissutini aalajangersagaasut malinneqarnissaat nakkutigissavai.

§ 62. Sukkulluunniit illumik piginnittup imaluunniit nunaminertamik atuisup pissutsit inatsimmik unioqqutitsisut iluarsinissaat pisussaaffigaa.

Imm. 2. Piginnittup atuisulluunniit pissutsit inatsimmik unioqqutitsisut iluarsinissaat pillugu § 60, imm. 2 malillugu peqqussutigineqartoq tamatumunnga piffissaliunneqartup iluani malinnigippagu, kommunalbestyrelsip piginnittoq imaluunniit atuisoq pissutsit iluarseeqqullugit tullerriaartumik pinngitsaaliissummik akiliisussanngortillugu allaffissornikkut peqqusinnaavaa.

Imm. 3. Pinngitsaaliissummik akiligassiinerit allaffissornikkut pisussaaffiliunneqarnerisa peqatigisaanik kommunalbestyrelsi § 63 malillugu suliakkiinissaq siunertaralugu politiinut nalunaaruteqassaaq.

Imm. 4. Imm. 2 malillugu akiligassiissutit kommunip karsianut tutsinneqassapput.

§ 63. §§ 29, 30, 31 aamma 37, imm. 1 aamma 4-imik unioqqutitsineq aammalu §§ 32 aamma § 60, imm. 2 naapertorlugit peqqusissummik inerteqqummilluunniit malinninnginneq pillaammik akiliisitaasussanngortitsinermik imaluunniit Kalaallit Nunaannut pinerluttulerinermut inatsit malillugu inatsisinut naapertuuttunngortitsinissamik peqqusissuteqarnermik kinguneqarsinnaavoq.

Imm. 2. Inatsisartut inatsisaanni akiliisitsinissamik pineqaatissiinissaq tunngavissinneqarsimappat, akiligassiissut Kalaallit Nunaanni pinerluttulerinermut inatsimmi maleruagassat malillugit pisussaataasunut pisinnaatitaasunullu pisussaaffiliissutaasinnaavoq. Taamatuttaaq pisussaataasut pisinnaatitaasullu pissutsinik inatsisinut naapertuuttunngortitsinissammik pisussaaffilerneqarsinnaapput.



Imm. 3. Eqqartuussinikkut pissutsit inatsisinik unioqqutitsisut iluarsineqarnissaannik peqqusissuteqarneq, eqqartuussissummi piffissaliussap aalajangersarneqartup iluani malinneqarsimangippat, aammalu § 62 malillugu pinngitsaaliissummik akiligassiissummik akiliisitsiniarneq eqqartuunneqartup peqqusissummik malinninnissaanik kinguneqarsinnaasoq naatsorsuutigineqangippat, kommunalbestyrelsip pissutsinik iluarsiinissaq pisariaqartoq piginnittup akiligassaatur isumagisinnaavaa.

Imm. 4. Imm. 1 aamma 2 malillugit suliat Kalaallit Nunaanni Eqqartuussivimmu suillertut suliaqartussatur suliakkiissutigineqassapput.

Imm. 5. Imm. 1 aamma 2 malillugit akiligassiissutit nunap karsianut nakkartinneqassapput.

Pissutsit atuuttut

Akerliussutsinik takkuttoqarnikuunngilaq, ataasiakkaalli imminnut nunaminertat atugassiissutit saqqummiussinermut atatillugu iluariissuteqarfigitikkiartorsimallugit.

Atuilluatuunissamut kinguneqaatissat

Pinngitsaaliissummik akiliisussanngortitsinerit, (pingaartumik politiit akulerunneqartinnagit) unioqqutitsisoqartillugu kinguneqaateqartitseqatapput. Pinngitsaaliissummik akiliisussanngortitsisoqartalerneratigut, innuttaasut amerlanerusut malittarisassanik ataqqinninnerulernissaannut aqutissiuusseqataasinnaavoq, atuutsitsilernissamullu nukippassuit atorineqassanngillat, soorluttaaq kommunip politiillu suliniarnerat kinguneqarnerulersinnaalluni.

Aningaasaqarnikkut allaffissornikkullu kingunerisinnaasai

Allaffeqarfik suliaasaqarnerulissaq, naatsorsuutigineqarporli politiinut oqilisaataalluni suliaasat pilertornerusumik qulanangitsumik naammassineqartalissasut.

Pinngitsaaliissummik akiliisussanngortitsinerni akiliutit kommunip karsianut ikineqartassapput.

Qullersaqarfiup oqaaseqaatai

'Annerusumik oqaaseqaatissaqanngilaq'

Allaffeqarfiup naliliinera

Unioqqutitsisoqartillugu suliaasaq sivisuumik suliarineqartarpoq, ukiullut qassiit qaangiukkaangata aatsaat pineqaatissiisoqarsinnaasarluni, taamaattoqaraangallu akiligassiissutit annertuneq ajorlutik. Nunaminertanut sanaartormermullu tunngatillugu suliat salliutinnagit, innunat ataasiakkaanut tunngatillugu suliaasat politiit salliuttarpaat. Tamanna unioqqutitsinissamut sunniuteqartarpoq, innuttaasullu nalinginnaasumik eqqarsartarput, akuersissummik qinnuteqarani isumakkeerfigineqarnissamik kissaateqarneq ajunnginnerusoq. Allaffeqarfik isumaqarpoq, pinngitsaaliissummik akiliisussanngortitsisalernikkut taamatut eqqarsartariaatsimut ikilisaaqataallunilu politiinik suleqateqarnermut siuarsaaqataassasoq. Pinngitsaaliissummik akiliisussanngortitsisalernissat atuuttussanngortinneqassanngippata, unioqqutitsinerit kinguneqartinneqartassanngillat, taamaattoqassappallu unioqqutitsinerit amerliartuinnassallutik.

Suleriaasissaq:

pinngitsaaliissummik akiliisussanngortitsisoqarnissaanik aalajangiisoqartillugu, pisuni ataasiakkaani nalilersuisoqartassaaq, tullinnguuttulli pingaartinneqassallutik:

Unioqqutitsisoqartillugu, nunaminertanik oqartussaasoq Kommunalbestyrelsi sinnersullugu pinngitsaaliissummik akiliisussanngortitsisassaaq, takuuk ilanngussaq 1 Aalajangiinissamut, iliuusissatullu pilersaarummut eqitsit.

Pinngitsaaliissummik akiliisussanngortitsinerit akilerneqartarnissaat akiliisitsiniartarfiup isumagissavai.

Suna unioqputinneqarnersoq apeqqutaalluni, akiligassaq annertussusilerneqartassaaq. Nalinginnaasumik tamatumani nunaminertaq qanoq annertutigisoq atornerqarnersoq apeqqutaassaaq, assersuutigalugu 1m²-i 100 koruuninik naleqassaaq. Tamatumani nunaminertap annertussusaa, unioqputitsisumillu inissiismanerni, ilaatigut nuunneqartussangortunut aningaasartuutissat ataqtigiinnissaannut tunngaviuvoq. Akiligassaq qanoq annertutigissanersoq, nunaminertanut oqartussaasut nalilersussavaat.

Qanoq annertutigisumik unioqputitsisoqarnersoq apeqqutaalluni, akiligassat aalajangersimasumasumik sivilissusilerlugit akileqquneqartassapput, imaappoq unioqputitsineq inatsisinut/malittarisassanut naapertuuttunngortinnissaannut sivilisuneruppat, akiligassiissut sivilisuserusumik piffissalerneqassaaq, matumani nalinginnaasumik qaammammik sivilissuseqartassapput. Qanoq sivilutigissanersoq, nunaminertaniut oqartussaasut nalilersussavaat. Unioqputitsinerit inatsisinut naapertuuttunngortitsinissaasa, unioqputitsinerilluunniit inatsisinut naapertuuttunngortitsinikkut iluarsiivigineqarsinnaajunnaartut kommunip uppernarsillugu eqqartuussivimmuut suliasangortitsinissaata tungaanut, pinngitsaaliissummik akiliisussangortitsinerit atuutissapput.

Suliat ataasiakkaat nalilersuiffigineqarnerisigut, qanoq annertutigisumik akiligassiisoqassanersoq aalajangerneqartassaaq, qanorli annertutigisumik akiligassiisoqartarnissaanut tullinnguuttoq aallaaviussaaq:

Assersuut, unioqputitsisumik ilisaateqarneq:

- Unioqputitsisumik containerimik inissiisimaneq (2,5x6,5), akiligassaq, qaammatit aallartinneri tamaasa 1625 koruunit
- Unioqputitsisumik umiatsiamik inissiisimaneq (2,5x6,5), akiligassaq, qaammatit aallartinneri tamaasa 1625 koruunit
- Unioqputitsisumik umiatsiaaqqamik inissiisimaneq (2,55x1,43), akiligassaq, qaammatit aallartinneri tamaasa 365 koruunit
- Unioqputitsisumik umiatsiaaqqamik annermik inissiisimaneq (3,75x1,80), akiligassaq, qaammatit aallartinneri tamaasa 675 koruunit
- Unioqputitsisumik quiliisimaneq (3x4), akiligassaq, qaammatit aallartinneri tamaasa 1200 koruunit
- Unioqputitsisumik inissiisimaneq tamalaallu, soorlu ungalusat, naatsivilisimanerit il.il., m²-i aallaavigalugu akiligassiisoqartassaaq, assersuutigalugu 10m²-iusimappat, qaammatit aallartinneri tamaasa 1000 koruunimik akiligassiisoqartassaaq.
- Unioqputitsisumik biilnik atorunnaarnikunik inissiisimaneq (2,5x5), akiligassaq, qaammatit aallartinneri tamaasa 1250 koruunit.

Unioqputitsisumik inissiisimanerit qaammatip ataatsip iluani nuunneqarsinnaasut naatsorsuutigineqarpoq, taamaattumik akigitat naleqqupput, imaluunniit unioqputitsisumik inissitaasimasut nuunneqarnissaannut aningaasartuutissavinnit annerularlutik. akunneq ataaseq lastbilinik attartorneq 650 koruuneqarpoq.

Assersuut, unioqputitsisumik sanaartornerit:

- Unioqputitsisumik illiaraliorneq (30m²) naak, illuaqqat ilaat nuunneqarsinnaasaraluartut, toqqaviliisoqarneranit atutilissaaq, akiligassaq, qaammatit aallartinneri tamaasa 3000 koruunit, taannali nikerarsinnaassaaq, unioqputitsinerup iluarsiivigineqarnissa qularnangitsumik annerpaamik qaammatinik pingasunik sivilissuseqarsinnaassamat, taamaattumik qaammatinut pingasunut 3.000 koruunit.

- Unioqutitsisumik aniinganerit (assersuutigalugu 2,6x1m), akiligassaq, qaammatit aallartinneri tamaasa 260 koruunit, matumanili najummisut piarneqartussaammata, unioqutitsisumik sanaartornerit taakku ulorianarmata, akiligassaq marloriaatinngortinneqassaaq.
- Unioqutitsisumik alliliinerit (assersuutigalugu 2x3m), akiligassaq, qaammatit aallartinneri tamaasa 600 koruunit, matumanili najummisut piarneqartussaammata, unioqutitsisumik alliliinerit taakku ulorianarmata, akiligassaq marloriaatinngortinneqassaaq.

Assersuut, nunaminertamik atugassinneqarsimatilluni unioqutitsisoqartillugu:

- Nunaminertamik 500m²-imik inuutissarsiorfimmik atuinissamut pisinnaatitasoq nunaminertamik torersuutitsinngikkuni, akiligassaq, qaammatit aallartinneri tamaasa 50.000 koruunit, taannali nikerarsinnaassaaq, unioqutitsinerup iluarsivigineqarnissaa qularnanngitsumik sivisusinnaassammat. Qaammatit pingasut ingerlanerini torersitsisimanissaaq naatsorsuutigineqarsinnaassammat, akiligassaq angissutinut agguataarneqassaaq, taamaalillunilu qaammatit pingasut aallartinneri tamaasa 12.500 koruunit akiligassiisoqartassalluni, taamaalillunilu akiligassat tamakkerluni ukiup ataatsip ingerlanerani akilerneqareersimassalluni.
- Namminerisamik illuliaq, assersuutigalugu 100 m²-i akuersissuteqanngitsumik pisiniarfittut atornerpat, akiligassaq, qaammatit aallartinneri tamaasa 10.000 koruunit, taannali nikerarsinnaassaaq, unioqutitsinerup iluarsivigineqarnissaa qularnanngitsumik sivisusinnaassammat, annerpaamik qaammatit pingasut, taamaattumik qaammatit pingasunut 10.000 koruunit.

Allaffeqarfiup innersuussutaa

Teknikkimut Avatangiisinullu ataatsimiititaliamit, Aningaasaqarnermut ataatsimiititaliamit, Kommunalbestyrelsimiillu inaarutaasumik akuerineqartussanngorlugu Teknikkimut Avatangiisinullu Immikkoortortap innersuussutigaa,

Nassuiaatigineqartutut, pinngitsaaliissummik akiliisussanngortitsisoqartalernissaa atuutsilersinneqassasoq.

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap maajip 28-ani 2013-imi ataatsimiinnermini suliaq sularivaa.

Innersuussut

Kommunalbestyrelsimit inaarutaasumik akuerineqartussanngorlugu innersuussutigineqarpoq,

Nassuiaatigineqartutut, pinngitsaaliissummik akiliisussanngortitsisoqartalernissaa atuutsilersinneqassasoq.

Aalajangiineq

Ilanngussat

1. Aalajangiinissamut, iliuusissatullu pilersaarummut eqitsit.
2. Atuutsitsineq pillugu Namminersorlutik Oqartussanik allakkiaq
3. Unioqutitsinikkut akiligassiisoqartalernissaanik kommunip paasissutiissiinera



Imm. 06 Mittarfikumi sanaartorfissaq 1.4-mi sanaartornermi atortunut ilitsivissamik qinnuteqaat

Journalnr. 18.01.02

Tunuliaqutaq

Kommunip pilersaarusiorfigineqarneranut tapiliusaaq nr. 39. Teknikkikkut atortuutunut atugassiaq, Sisimiuni Aqqusinersuarimi mittarfikumi sanaartorfissaq 1.4 sanaartornermi atortunut ilitsivissatut, ilaatigullu haaliliornissaminik Polar Entrepriise A/S-ip qinnuteqarpoq.

Pilersaarusiornermi tunngavigineqartunut qinnuteqaat akerliuvoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq, pingaartumik:

§ 32. § 14, imm. 2 nr. 3 aamma § 14, imm. 3 naapertorlugit sumiiffiup ilaanut aalajangersimasumut aalajangersagaliornikkut pissutsinik pinngitsoortinneqarsinnaasunik pilersitsisoqarnissaa kommunalbestyrelsip inerteqqutigisinnavaa.

Imm. 2. Inerteqquteqarneq ukioq ataaseq tikillugu sivisussuseqarsinnaavoq ataasiaannarlunilu pisinnaalluni. Inerteqquteqarneq tamanut nalunaarutigineqassaaq.

Kommunip pilersaarusiorfigineqarneranut tapiliusaaq nr. 39. Teknikkikkut atortuutunut atugassiaq, Sisimiuni Aqqusinersuarimi mittarfikoq.

Sisimiut Kommuniani illoqarfimmi nunaqarfinnilu sulinermut qamuterallannillu angallannermut malittarisassat.

Pissutsit atuuttut

Pilersaarusiornermi tunngaviit naapertorlugit sanaartorfissaq 1.4, sanaartorfissatut immikkoortitaavoq.

Tamanna pisortat teknikkikkut atortuutaannut, matumani hangar-imut, garage-mut, ilaatigullu helikopteriniq iluarsartuussivissatut atugassiaavoq.

Sanaartorfissat 1.6 aamma 1.5 garage-qarfissatut toqqorsivissatullu/ilitsivissatullu haalimut atorineqarnissaannik entreprenørit nunaminertamik atugassinneqarnikuupput.

Atuilluartuunissamut kinguneqaatissat

Aningaasaqarnikkut allaffissornikkullu kinguneqaatissat

Ukiup ataatsip ingerlanerani, nutaamik kommunip pilersaarusiorfigineqarneranut tapiliussassamik suliaqartoqartussaavoq.

Qullersaqarfiup oqaaseqaatai

'Annerusumik oqaaseqaatissaqanngilaq'

Allaffeqarfiup naliliinera

Kommunip maleruagassaa naapertorlugu sanaartorfissat 1.6 aamma 1.4-p kujataa-tungaanni kiisalu Nalunnguarfimmit mittarfikoq saneqqullugu ukiuunerani angallaveqarpoq. Ukiuunerani angallaviit taakku marluk mittarfikup eqqaani naapippat, taamaattumillu ukiuunerani tamanna aqputigineqarlualarluni.

Pilersaarut naapertorlugu sanaartorfissaq 1.4 entreprenøreqarfittut atorreqarani, qamuteralannut orsersortarfissamut immikkoortinneqartussatut eqqarsaatigineqarpoq. Maani illoqarfimmi suliffeqarfik tamatumani pilersitsinissamik kissaateqarmat, kommunalbestyrelsillu tapersersormagu, pilersaarut pilertortumik suliarineqarnikuvoq. Orsersortarfittaassagaanni, avatangiisinut tunngasorpaaluit isumannaqqaartussaapput. Tamanna piffissaqarfigineqarsimangilaq, taamaattumillu tamanna pilersaarummi aalajangersimasumik ilanngunneqarani, qinnuteqaatigineqarneratigut suliarineqarumaartoq aalajangerneqarluni. Maani illoqarfimmi suliffeqarfik anguniagaqarusussuseqartoq pineqarmat, allat qaqilertorneqaratik orsersortarfiliinissaat naatsorsuutigineqarsimagaluarpoq. Suliffeqarfiup nunaminertamik inniminneereernermi kingorna nunaminertaq taamaatippaat.

Mittarfikup nalaa soqutiginarsarneqarluni takornarissanut assigiinnigitsutigut misigisassarsiornianut naapiffittut atorreqarnissaanik kommunalbestyrelsi kissaateqarpoq. Sanaartorfissaq 1.3-miittoq inuusuttut ornittagaat Nutaraq nuuppat, illuut inuutissarsiutilinnut tunineqassasoq naatsorsuutigineqarpoq. Nunap immikkoortortaani tamatumani entreprenøreqarfiliortoqassagaluarpat, inuusuttut ornittagaata nalaa takujuminaallissaaq, illuullu siunissami tuniniarneqassagaluaruni soqutigineqarpallaarnaviarani.

Tamatuma saniatigut haaleqalerlunilu ilitsiveqaleralarpat, ukiuunerani aqputigineqartartumut akornusersuutinnussapput.

Kangerluarsunnguami inuutissarfiorfissamik immikkoortitsisoqarnikuvoq, taannalu suliffeqarfiup pineqartup eqqannguaniilluni. Taamaattumk nunaminertap taassuma qinnutiginnissaanut periarfissaqarlualarput, soorluttaaq nunataq tamanna atulissagaluarpassuk ataqatigiissumik suliffeqarfeqalissagaluartut.

Tamanna tunuliaqutaralugu qinnuteqaatip itigartitsissutigineqarnissaanik, §-imillu inerteqquteqarnissamik allaffeqarfik innersuussuteqarpoq.

Allaffeqarfiup innersuussutaa

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut, Aningaasaqarnermut ataatsimiititaliap kiisalu Kommunalbestyrelsip inaarutaasumik akuersissuteqarnissaanik innersuussutigaa,

Qinnuteqaat itigartitsissutigineqarlunilu § 32 naapertorlugu inerteqqutiliortoqassasoq

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 28-ani 2013-imi ataatsimiinnermini suliaq suliarivaa.



Innersuussut

Kommunalbestyrelsimut inaarutaasumik akuereqqullugu innersuussutigineqarpoq,

Qinnuteqaat itigartitsissutigineqarlunilu § 32 naapertorlugu inerteqqutiliortoqassasoq

Aalajangiineq

Ilanngussat

1. Tapiliussaq nr. 39-mi sanaartorfissat
2. Polar Entreprise-mit qinnuteqaat



Imm 07 Qeqqata Kommuniani eqalunniarnermut ileqqoreqqusap nutarterneqarnera pillugu siunnersuut

Journalnr. 75.08.02

Tunuliaqutaq

Kommunit kattussuunnerisa kingorna kommunimi ileqqoreqqusat nutarternissai pisariaqalerput, matumanilu Sisimiut Kommuniata aammalu Maniitsup kommuuniata eqalunniarnermut ileqqoreqqusarisimasaat Qeqqata Kommuniani attuutussanngorlugu suliarineqarput.

Maleruagassatigut tunngavissat

Eqalunniarneq pillugu Namminersornerullutik Oqartussat nalunaarutaat nr. 20, 25. august 2005-imeersumi § 3, imm. 2 aamma 3, kiisalu §§ 8, 9, 10 aamma 13.

Ilaatigut nalunaarummi imatut allaqqasoqarpoq: **§ 8.** *Qassutit atorlugit eqalunniartoqarsinnaavoq taamaallaat juunip ulluisa 15-ianniit septembarip ulluisa 25-iat ilanngullugu.*

§ 9. *Ukiut tallimakkaarlugit eqaloqarfitsialaat aalisarnerup annertuallaarneranit*

Ulorniarnartorsiortinneqarnerpaatut nalilerneqartut kommunalbestyrelsip nalunaarsortassavai.

Nalunaarsuusiaq Aalisarnermut Piniarnermullu Pisortaqaqfimmumt nassiunneqassaaq.

Imm. 2. Kommunalbestyrelse ukiut tallimakkaarlugit ileqqoreqqusakkut kommunip ilaani sumiif-finnik eqaloqarfilinnik arlaliusinnaasunik ukiuni tallimani atuuttussamik eqqissisimatitaliortassaaq. Kommunit ileqqoreqqusaat Aalisarnermut Piniarnermullu Naalakkersuisumit atulersinneqartassap-put.

§ 10. *Kommunalbestyrelse eqalunniarneq eqqarsaatigalugu § 2, imm. 2-mi aamma §§ 5-iimiit 8-mut aalajangersakkanit sakkortunerusunik kommunip ileqqoreqqusaatigut alajangersaasinnaavoq, pissutsit immikkut ittut tamanna pisariaqartippassuk. Kommunalbestyrelsip kommunip ileqqoreq-qusaatigut piumasaqaatit § 3, imm. 3-mi taaneqartut aalajangersarsinnaavai.*

Pissutsit atuuttut

Ileqqoreqqusap Sisimiuni suliarineqarnera.

Sisimiuni aalisartut piniartullu peqatigiiffii aammalu nunaqarfinni aalisartut piniartullu peqatigiiffi aammalu nunaqarfinni aqutsisut kiisalu peqatigiiffik ”Eqaluk” tusarniaavigineqarput.

Sisimiuni aalisartut piniartullu peqatigiiffiata aammalu Sisimiuni angallateerarsortut aalisartut piniartullu peqatigiiffiata e-mail-ikkut siunnersuutigaat ataatsimeeqatigiinnikkut ileqqoreqqusat pillugit eqqartoprneqassasut.

Ataatsimeeqatigiinnissamut Itillimi aalisartut piniartullu peqatigiiffiata siulittaasua aammalu peqatigiiffik ”Eqaluk”-mi siulittaasooq peqataaniarluni nalunaarpoq, kisiannili piffissaq kingulleq atorlugu ilisimatitsivoq aallartussaanini pissutigalugu pisinnaajunnaarluni.

Ataatsimeeqatigiinneq pivoq ulloq 17.februar 2013 Nutaaliorfimmi, tulluuttullu oqaluuserineqarput siunnersuutigineqarlutillu:

Sisimiut Kommuniata eqalunniarnermut ileqqoreqqusaani eqaloqarfiit Eqalulik (Saqqap Kangerluarsua), Eqalugaarsuit (Nassuttoq), Isortuartsuup kuu (Isortoq) kiisalu Niisip Kuua (Isortup paani) ukiut tallimat matoqqareerlutik ammaqinneqassapput, matoqqatitassatullu ukiuni tallimani tulliuuttuni ataani kuuit marluk siunnersuutigineqarput:

1. Kangerluarsuk tulliup qinguani kuua
2. Akornga (Kangerluarsuup tulliup ungalliullu akornaniittoq)

Eqaloqarfiit matoqqatitassatut siunnersuutigineqartut pillugit pissutigineqarpoq:

Kangerluarsuk tulliup eqalui ukiuni kingullerni millisimanerat malunnarsisimammat, tamannalu atorreqarpallaarneranik pissuteqarnerarluni.

Akornga-ta eqalui siornatigut angissutsimikkut kusanartutut ilisimaneqartut, ukiuni kingullerni malunnarsisimavoq angisoortai akullartut tamannalu atuisut amerlavallaarneranik kinguneqartutut pissuteqartutut nalilerneqarluni.

Siunnersuutigineqarpoq eqaloqarfiit matoqqatitassatut siunnersuutigineqartut ukiuni tulliuuttuni tallimani pullasorsifigineqanngikkallassasut, tamaattoq qissattaatit nallullu atorlugit eqalunniartoqarsinnaassasoq.

Ileqqoreqqusami piffissaq qassusersorluni eqalunniarfiusinnaasutut atuuttinneqartoq juuli 1-aniit aggustip 31-ata tungaanut allanngortinneqassanngitsoq siunnersuutigineqarpoq, isumaqartoqarami taamatut qassusersorluni eqalunniarsinnaanerup piffissalerneqarnera Sisimiut eqqaani eqaluit amerlinerinik kinguneqarsimasoq.

Eqalunniarnermut ileqqoreqqusami siunnersuutigineqartut pillugit peqatigiiffik ”Eqaluk”-mi siulersuisuinut oqarasuaatikkut tusarniaavigineqarpoq, siunnersuutigineqartunullu isumaqataanertik nalunaarutigaa.

Ileqqoreqqusap Maniitsumi suliarineqarnera.

Aqutsivik Maniitsoq-mi lokalradio aamma illoqarfimmi nunaqarfinnilu Kangaamiuni, Napasumi aamma Atammimmi allagarsiussat atorlugit tusarniaanerit 3. april 2013 aallartillugu ingerlanneqarput innuttaasut tusarniaaffigineqarlutik eqaloqarfimmik imaluunniit eqaloqarfinnik eqqissisimatitassamik/nik siunnersuutissaqarnerisut tusarniaaffigineqarlutik. Tusarniaanerit killilerneqarput 3. maj 2013-mut.

Tusarniaarnermut atatillugu innuttaasunit siunnersuutinik Qeqqata kommunia tigusaqanngilaq. Aalisartut piniartullu peqatigiiffii aamma tusarniaaffigineqarput taamatullu aamma nunaqarfimmi aqutsisut.

Aalisartut piniartullu peqatigiiffii oqaasiinnartigut akissuteqarput siunnersuutissaqaratik eqqissisimatitassamik.

Nunaqarfimmi aqutsisunit oqaaseqaateqartoqanngilaq.

Qullersaqarfiup oqaaseqaatai
Soqanngilaq

Allaffeqarfiup naliliinera

Allaffeqarfiup nalilerpaa eqalunniarnermut ileqqoreqqussamut siunnersuut Qeqqata Kommunianut atuutilerneqassasoq.

Malugeqquneqarpoq Maniitsumi Sisimiunilu eqalunniarsinnaanermut piffissaritaasut assigiinngimmata, tassa Maniitsumi ileqquusimavoq nalunnaat malillugu eqalunniartarneq Sisimiunilu 1. juli-minngaaniit 31. august-imut inuutissarsiutigalugulu aalisartunut 15. juni – 31. august-mut eqalunniartoqarsinnaalluni. Siunnersuutigineqarpoq aqutsiveqarfinni taakunani marlunni periuseq atornerqareersoq ingerlaannassasoq.

Innersuussut

Allaffeqarfiup kkommunalbestyrelsimut akuereqqullugu innersuussutigineqarput:

- a) Qeqqata Kommuniani eqalunniarnermut ileqqoreqqussamut siunnersuut
- b) kkuut ataani pineqartut ukiuni tallimani matoqqagallassasut:
 - Kangerluarsuk tulluip qinnguani kuua (Sisimiut avannaatungaaniittoq)
 - Akornga (Sisimiut avannaatungaani Kangerluarsuup tulluip ungalliullu akornaniittoq)

Aalajangiineq

Ilanngussa

1. Qeqqata Kommuniani eqalunniarnermut ileqqoreqqussamut siunnersuut.
2. Sisimiuniit oqaaseqaat 7.2.2013
3. Maniitsumiit oqaaseqaat 27.5.2013
4. Aqutsiveqarfiit nunap assingani killeqarfii.
5. Eqalunniarneq pillugu Namminersornerullutik Oqartussat nalunaarutaat nr. 20, 25. august 2005

Imm. 08 Qeqqata Kommuniani qilalukkanik qaqortanik qernertanillu illersuineq piniarnerlu pillugit ileqqoreqqusaq

Journalnr. 72.01.01.01

Tunuliaqutaq

Qeqqata kommunianit aamma aalisartut piniartullu peqatigiiffiinit kissaatigineqarpoq qilalukkanik illersuineq piniarnerlu pillugit kommuni ileqqoreqqusaqalernissaa.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersoq

Nalunaarummi §§ 11,12 aamma 13 tunngavigalugit kommuni ileqqoreqqusami qilalukkanik qaqortanik qernertanillu illersuineq piniarnerlu pillugit aalajangersaasinnaavoq.

Pissutsit atuuttut

Matumuuna nassiunneqarpoq Qeqqata Kommuniani qilalukkanik qaqortanik qernertanillu illersuineq piniarnerlu pillugit ileqqoreqqusassamut siunnersut.

Ileqqoreqqusaq malinneqartassaaq pisassiissutinik kommunip agguassinerani, qilalukkanik piniarnermi, ataatsimoorluni piniarnermi aamma pisanik(neqinik mattannillu) agguassinermi. Ilanngullugu aamma qilalukkanik piniarnermi ileqqorissaarnissamut tunngasunik kommunimi malittarisassaqaalissaaq.

Missingiummi § 3-mi alajangersaaffigineqassaaq ataatsimoorluni piniarnermi. Taanna aalajangersagaq sunngiffimmi piniartartunut tunnganerusussaavoq.

§ 3, imm. 3, nr. 1-imi aalajangersarneqarpoq ataatsimoorluni piniarnermi umiatsiaaqqat ikinnerpaamik marluussasut, akuersissummik tunineqarsimasut sunngiffimmi pinaluttartuuppata.

Ataatsimoorluni piniarnermi pisassiissutinik sippuinnginnissaaq qulakkerneqartussaavoq.

Ataatsimoorluni piniarnermi umiatsiaaqqat ikinnerpaamik marluunissaanik ileqqoreqqusassami piomasqaammi tunngavigineqarpoq sunngiffimmi piniartartunut pisassiissutit ikittuinaasarmata soorlu 2013-imi aqutsivik Maniitsoq-mi ataatsimik pisassinneqarput Kommunemillu aalajangerneqarpoq piniaqatigiit ikinnerpaamik umiatsiaaqqat marluussasut. Piniaqatigiit 6-it qinnuteqarput pisassarlu ataaseq piniaqatigiit 6-it akornanni makitsissutigineqarpoq. Kommunimit aamma aalajangerneqarpoq piniaqatigiit pingasut makitaassasut taannalu pisassaaq taakkununga piniaqatigiinnut pingasunut paggatassiissutigineqassasooq. Piniaqatigiit amerlanerit pisassamik ataatsimik piniassappata pisassiissummik sippuisinnaaneq ilimanaateqarnerunissaa kommunemit nalilerneqarmat. Namminersorlutik Oqartussat nalunaarutaanni § 12, imm. 3-mi aalajangersagaavoq Kommunalbestyrelsi pisassiissutigineqartunik peqqissaartumik nakkutilliissasooq.

2013-imi aqutsivik Sisimiut-nut sunngiffimmi piniartartunut qaqortat pingasut kommunemit pisassiissugineqarput. Kommunemit alajangerneqarpoq piniaqatigiit ikinnerpamaik umiatsiaaqqat marluussasut pisassiissutillu pingasut piniaqatigiinnut qinnuteqartunut paggatassiissutigineqassasut. Tamatut agguaneq ileqqoreqqusassami matumani aamma periarfissaassaaq.



Ataatsimoorluni piniarnissaq inuussutissarsiutigalugu piniartunut piunasaqaataangilaq periarfissaallunili. Ileqqoreqqusassami § 2, imm. 2, nr. 1-mi aalajangersarniarneqarpoq pisassiissutit qinnuteqartunut tamanut akuersissuteqarfiusinnaasut (paggatassiiutigalugit).

§ 4, imm. 1, nr. 1-imi aalajangersarneqassaaq akuersissummik tunineqarsimasoq inuussutissarsiutigalugu piniarnermik allagartaqaruni akuersissummik piginnittup aalajangissavaa piniarneq kisimiilluni ingerlatissanerlugu imaluunniit piniartumik piniartunilluunniit arlalinnik peqateqarluni piniarneq ingerlartissanerlugu.

Ileqqoreqqusassami § 1-mi taaneqarpoq ileqqoreqqusaaq manna Maniitsumi Sisimiunilu aqutsiveqarfinni atuuttoq.

Bilag-imi ilaassaq nunap/immap assingani aqutsiveqarfinnut pineqartunut killeqarfiliuneqartut.

Ileqqoreqqusamut missingiut Aalisarnermut, Piniarnermut Nunalerinermullu Naalackersuisoqarfik aamma Namminersorlutik oqartussani Inatsiseqarnermut immikkoortortaarfik suleqatigalugit suliarineqarpoq. Ileqqoreqqusamut missingiut taamatut isikkoqartillugu Namminersorlutik Oqartussanit akuerineqarsinnaasoq kommunip allaffeqarfianut nalunaarutigineqarnikuuvoq.

Qeqqata Kommunia aamma kommuniusimasut Sisimiut aamma Maniitsoq qilalukkanik qaqortanik qernertanillu illersuineq piniarnerlu pillugit ileqqoreqqusamik peqarnikuunngillat

Ileqqoreqqusap suliarineqarnerani Qeqqata kommuniani aalisartut piniartullu peqatigiiffii, sunngiffimmi pinialuttartut peqatigiiffii aamma nunaqarfimmi aqutsisut tusarniaaffigineqarnikuupput.

Kangamiuni aalisartut piniartullu peqatigiiffiata tusarniaanermut akissuteqaatiminni allapput ileqqoreqqusassamut annerusumik oqaaseqaatissaqarnatik, taamaattoq nuannaarutigalugu qilalukkanik piniarnermi ataatsimoorussamik piniaqatigiissinnaanermut periarfissamik kiisalu piniarnermi suut atortorineqarsinnaasut tikkuussisoqarmat ajorineqanngilaq, soorlu aamma ataatsimoorluni tikaagullinniarnermi taamatut piunasaqaatitaqartoq.

Maniitsumi Umiatsiaarsorlutik aalisartut piniartullu peqatigiiffiata oqaaseqaatimini allappoq ileqqoreqqusassamut siunnersuut peqatigiiffimmi oqallisigereerlugu nalunaarutigalugu ileqqoreqqusassamut siunnersuut peqatigiiffimmit ajorineqanngimmat.

Sisimiuni aalisartut piniartullu peqatigiiffiata Allaffeqarfinnut nalunaarutiginikuuvaa ileqqoreqqusassamut siunnersuut ajorinagu.

Sisimiuni Saniatigooralugu Piniartut Peqatigiit oqaaseqaatiminni imatut allapput: “Matumuuna nalunaarutigissavarput Saniatigooralugu Piniartut peqatigiit Sisimiut-niik ileqqoreqqusaaq-mut siunnersuut akuersaarsinnaanginnatsigu, pissutigalugu aqutsisoqarluni piniartarneq naleqqutinngitsutut isigigatsigu, Avannaatungitsinniik misilinneqarnikuuvoq atorsinnaanngitsutullu nalilerneqarluni atorunnaarneqarluni, taamaattumillu Qeqqata Kommuniani kingorunutiinnartariaqarani. Tamaattumik siunnersuutingissavarput Sisimiut-ni piniartaasitortaq atuinnarneqassassoq”.

Qullersaqarfiup oqaaseqaatai
Soqanngilaq

Allaffeqarfiup naliliinera

Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaanni § 11, imm. 2-mi aalajangersagaavoq sunngiffimmi piniartartut aqutsiviup qilalukkanik qaortanik qernertanillu pisassiissutaasa 0-10 % -iisa akornanni amerlassuseqartunik pisassinneqarsinnaanerat. Taanna aalajangersagaq tunngavigalugu kommunip ukiumiit ukiumut sunngiffimmi piniartartut 0-mit 10 procent-ip tungaanut pisassinneqartarnissaat aalaangiiffigisinnaavaa. Aalajangersagaq taanna malillugu kommunip kissaatigiguniuk ileqqoreqqusami aalajangersarsinnaavaa sunngiffimmi pinialuttartut procentimik aalajangersimasumik ukiumut pisassinneqartarnissaat. Ukiumiit ukiumut pisassissutit amerlassusaat allanngorarsinnaammata aamma aalisartut piniartullu atugarisaat ukiumiit ukiumut allanngorarsinnaammata Allaffeqarfiup nalilerpaa pitsaanerussasoq sunngiffimmi piniartartunut pisassiissutissat amerlassusissaat ukiumiit ukiumut kommunimit aalajangiiffigineqartarpat.

Sisimiuni Saniatigooralugu Piniartut Peqatigiit oqaaseqaatiminni allappput aqutsisoqarluni piniartarnek naleqqutinngitsutut isigigamikkut ileqqoreqqusassamut siunnersuut akuerisinnaanagu. Allaffeqarfiup nalilerpaa ajoqutissartaqanngitsoq ataatsimoorluni piniarnermi aqutsisoqarluni piniartarnek ileqqoreqqusami piumasaqaataassappat, tamanna qoorortoorsorluni tikaagullinniarnermi piumasaqaataammata misilittagaqarfiullunilu pisallu nalunaarutigineqartarneranni paasissutissanillu tunniusissinerni aqutsisoqarnek pitsaasumik misilittagaqarfigineqarmat.

Innersuussut

Innersuussutigineqarpoq ileqqoreqqusassamut siunnersuut taamatut isikkoqartillugu akuersissutigineqassasoq.

Aalajangiineq

Ilanngussaq

1. Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersoq
2. Qeqqata Kommuniani qilalukkanik qaortanik qernertanillu illersuineq piniarnerlu pillugit ileqqoreqqusaq-mut siunnersuut nunap assinganik ilanngussiffiusoq.
3. Kangaamiuni aalisartut piniartullu peqatigiiffiata oqaaseqaataa 124.05.2013-meersoq
4. Maniitsumi Umiatsiaararsorlutik Aalisaartut Piniartullu Peqatigiiffiat
5. Sisimiuni Saniatigooralugu Piniartut Peqatigiit oqaaseqaataat 23.05.2013-meersoq



Imm 09 Qilalukkanik qaqortanik qernertanillu pisassiissutit sinnerinit nuussineq pillugit tusarniaaneq

Journalnr. 72.01.01

Tunuliaqutaq

Aalisarnermut, Piniarnermut Nunalerinermullu Naalackersuisoqarfimmit maajip 17-ani 2013 tusarniaaneq.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaanni nr. 7-imi, 29. marts 2011-meersumi, § 3, imm. 5.

Pissutsit atuuttut

Tusarniutigineqartoq pillugu Sisimiuni Maniitsumi nunaqarfinnilu aalisartut piniartullu peqatigiiffii kiisalu nunaqarfinni aqutsisut tusarniaavigineqarput.

2011-miit 2012-imut qilalukkanik qaqortanik qernertanillu pisassiissutit sinnerinik nuussinermi 2011-mi sinneruttut tamarmik 2012-imi pisassiissutinut ilanngunneqarput.

Matumani 2012-imi pisassiissutinik sinneruttunik nuussinissami periusaasinnaasut pingasut toqqarneqarsinnaasut 2013-imi pisassiissutinut nuussinissami tusarniutigineqarput.

Ukiumiit ukiumut pisassiissutinik sinneruttunik nuussisarnerit assigiinngitsut pingasut sorleq atorneqassanersoq Naalackersuisoqarfimmit aalajangerneqassaaq:

1. **Amerliartuaartumik**, tassani pisassiissutit atorneqanngitsoortut tamarmik ukiup tullianut nuunneqassallutik taamaalilluni pisassiissutit ukiut arlallit ingerlanerini katersorneqarlutik.
2. **Amerliartuaanngitsumik**, tassani ukiup siulianit pisassiissutaasunit sinneruttut kisimik nuunneqassallutik, taamaalilluni ukiut siuliini pisassiissutinik sinneruttut katersorneqaratik.
3. **Uumasunik aalajangersimasumik amerlassusilinnik nuussineq.**

Toqqarneqarsinnaasut nassuiaatai tusarniaanermi allakkiami ilanngussami atuarneqarsinnaapput.

Tusarniaavigineqartunit Kangaamiuni, Maniitsumi Sisimiunilu aalisartut piniartullu peqatigiiffii akissuteqarput, tamarmillu immikkortoq 2 toqqarsimavaat.

Tasarniaavigineqartut sinneri akissuteqanngillat.

Qullersaqarfiup oqaaseqaatai

Annertunerusumik oqaaseqaatissaqanngilaq.

Allaffeqarfiup naliliinera

Tusarniaavigineqartunit akissutigineqartut tunngavigalugit allaffeqarfiup nalilerpaa, komminimiit immikkoortoq 2-p pisassiissutit sinnerinik nuussinermi atorneqarnissaa siunnersuutigineqassasoq.



Innersuussut

Inneruussutigineqarpoq immikkortoq 2, **Amerliartuaanngitsumik**, ukiup siulianit pisassiissutaasunit sinneruttut kisimik nuunneqartassasut, taamaalilluni ukiut siuliini pisassiissutinit sinneruttut katersorneqaratik.

Aalajangiineq

Ilanngussaq

1. Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersoq.
2. Aalisarnermut, Piniarnermut Nunalerunermullu Naallakkersuisoqarfiup tusarniutaa 3.5.2013-imeersoq.
3. Oqaaseqaatit – Maniitsoq
4. Oqaaseqaatit - Sisimiut

Imm. 10 KANUKOKA – Ilulissani ulluni 13. – 14. juuni 2013 aallartitat ataatsimiinnissaat

Journalnr. 00.06.01

Tunuliaqutaq

KANUKOKA Ilulissani ulluni 13. – 14. juuni 2013-imi aallartitanik ataatsimiisitsiniarpoq. Aallartitat ataatsimiinnissaanut kommuunit atortussanik tiguisimalereerput, Pilersaarut ilanngullugu, takuuk ilanngussaq 1.

Aallartitat ataatsimiinnissaanut kommunalbestyrelsimit ilaasortat peqataasussatut tullinnguuttut toqqarneqarput, tassaallutik Aqqalu Skifte, Siumut aamma Mette Sofie Lerch, Atassut. Tamatuma saniatigut borgmesteri Hermann Berthelsen siulersuisuni ilaasortatut peqataassaaq. Malene Ingemann, IA, alaatsinaatsutut aamma peqataassaaq.

Maleruagassatigut tunngavissat

KANUKOKA-p ileqqoreqqusai 28. oktober 2010-meersut, kingusinnerusukkullu 2011-imi januaarip 13-iani siulersuisumit aalajangerneqartut.

Pissutsit atuuttut

KANUKOKA-p siulersuisuisa apeqqutit tullinnguuttut ammasumik oqallisigitikkusuppaat, isumaqaramik katersuiffissanngortoq tunngavilersuillunilu isumaliutiginniffissanngortoq (qallunaatuumi qupp. 52-imi aammalu kalaallisuumi qupp. 60-imi takuneqarsinnaapput):

- Kommunit kattunnerat sutigut nukittorsaasimava?
- Kommunit kattunnerat sutigut nukittorsaasimangila?
- Piffissap ikaarsaariarfiusup kingorna suut pingaartillugit sulissutigisariaqarpat pisortat suliaasaqarfiinik iluarsaaqqinnermi, aamma kommunit kattunneranni, siunertaasut piviusunngortilluarsinnaanerujumallugit?

Siulersuisut kissaatigaat 13.-14. juuni 2013 aallartitat ataatsimiinnissaanni pissutsit ataatsimut isigalugit, ammasumik unneqqarissumillu inuiaqatigiinni iluarsaaqqinneq nunatsinni 1979-imi namminersornerulernerup kingorna aatsaat taama annertutigisutut oqaatigineqartartoq nalilersorneqassasoq.

Tamatuma saniatigut kommunit sisamaasut ilaasortani oqaluuserisassatut siunnersuutit eqqartorneqassallutik (qallunaatuuani qupp. 54 – 60 aammalu kalaallisuaani qupp. 62 – 69) ilaatigut makkuusut:

5. a Aallartitat ataatsimiinnissaannut piffissaq siunnersuutinillu tunniussinissamut killigititaq pillugit KANUKOKA-p malittarisassaasa allannguutissaannik siunnersuut.

5. b KANUKOKA-mut aallartitat ukioq allortarlugu ataatsimiittalernissaannik siunnersuut.

5. c Meeqqat arlalinnik innarluutillit kommuninit allaneersut inissinneqartarnerannut aningaasartuutit matussuserneqartarnissaannut siunnersuut.

5. d Meeqqat inuusuttuaqqallu kommuninit allaneersut atuarnerminnut atatillugu inissinneqartarnerannut aningaasartuutit matussuserneqartarnissaannut siunnersuut

Qullersaqarfiup oqaaseqaatai

Oqaaseqaateqanngilaq

Allaffeqarfiup naliliinera

Allaffeqarfik naliliivoq, kommunit kattunnerisa kinguneranik iluaqutaasut ajoqutaasullu pillugit apequtit, kiisalu siunissami qanoq iliuuseqartoqartarnissaaq pillugu siulersuisunit oqaluuserisassatut siunnersuutigineqartut, kommunalbestyrelsimit isummerfigineqartariaqartoq. Taamatullu aamma oqaluuserisassatut siunnersuutitut 5.a-mut 5.b-mullu isummissasoq.

Innersuussut

Allaffeqarfiup innersuussutigaa, siunnersuutit kommunalbestyrelsimit eqqartorneqassasut.

Aalajangiineq

Ilanngussaq

1. Aallartitat ataatsimiinnissaanut quppersagaq 2013
2. 2010-mit 2011-mut naatsorsuutit

Imm. 11 Maniitsumi utoqqaat illuanik Neriusaamik allangortiterineq pillugu passissutissiissut

Journalnr.

Tunuliaqutaq

2012-imi novembarip 21-ani Ilaqutariinnermut ataatsimiititaliap immikkut ataatsimiinnermini, Maniitsumi utoqqaat illuanik allangortiterinissamik siunnersuummik suliamik ingerlatitseqqittoqarnissaanik akuersissutigineqarpoq. Ilaatigut piffissami matumani puigortunnortunut inissat arfineq-pingasusunit 16-inut amerlisinneqarnissaanut siunnersuut. Ilaatigut utoqqaat illuani innarluutilinnut inissatut neqeroorutit ataatsimoortinneqarnissaat, tassa inissatut periarfissat arfineq-pingasunik amerlassusilernissaanut siunnersuut. Siunnersuut Neriusaamut najugaqartunut sulisunullu tusarniaassutigineqareerpoq. Tusarniaanermilu akissutit siunnersuummut tapersuullutik, akissutit suliamut ilanngunneqarput.

Novembarip 21-ni Kangaamiuni utoqqaat angerlarsimaffiata utoqqarnut inissiatut allangortinneqarnissaannut periarfissat aamma eqqartorneqarput. Kommunalbestyrelsinngortussani siunnersuut eqqartoqqinneqarnissaa naatsorsuutigineqarpoq.

Maleruagassatigut tunngavissat

Aqutsinermut inatsit § 43, imm. 2 naapertorlugu, aningaasaliinissamut aalajangiinissaq kommunalbestyrelsimi inissisimavoq, aalajangiisoqartinnaguli aqutsinermut inatsit § 25, imm.1, imm. 1 naapertorlu aningaasaqarnermut ataatsimiititaliamit oqaaseqaatit piniarneqaqqaassapput.

Pissutsit atuuttut

Neriusaq-mut missingersuummi innarluutilinnut peqqussut naapertorlugu najugaqartunut tallimanut akiliutit missingersuummut ilanngunneqarput. Najugaqartumut ataatsimut ukiumut 330.000 koruunit missaaniipput. Innarluutilinnut peqqussut naapertorlugu najugaqartartut amerlassusaat allangorartarpoq, 2012-imi aalajangersimasunik tallimanik najugaqartoqarpoq.

Neriusaq-mi najugaqarfinnik (arfiniliusunik) allangortitsinissami sipaarutaasussat 330.000 koruunit missaaniipput, innarluutilinnut peqqussut naapertorlugu najugaqartunut tallimanut akiliutit missingersuutaareermata. Innarluutillit amerlanerusut Neriusaamiisinneqarsinnaanissaannut tunngavissaqassagaluarpat, ilanngaattissat ilanngaatigereerlugit najugaqartumut ataatsimut qaavatigut 330.000 koruunit sipaarutigineqassagaluarput.

Akileartarnermut Atugarissaarnermullu Ataatsimiititaliap 2011-imi marsip qaammataani eqqarsaatissiissutaa ni kapitali 5-imi utoqqarnik isumaginninneq pineqarluni innersuussutitaqarpoq. Ilaatigut innersuussutigineqarpoq, nuna tamakkerlugu utoqqarnut tunngatillugu pilersaarusiortoqassasoq kiisalu angerlarsimaffimmi ikiorteqartitsisarneq ineriartortinneqarlunilu ulloq unnuarlu paaqqutarinnitarneq annertunerusumik atulerneqassasoq.



Eqqarsaatissiissut ilaatigut 2012-imi septembarip qaammataani tusarniutigalugu nassiunneqartumi, Naalakkersuisut 2012-imit 2015 tikullugu utoqqarnut iliuusissatut siunnersuutaatigut malitseqartinneqarpoq. Iliuusissami ilaatigut isummersuutigineqarpoq, utoqqarnut inissiat naammattut pigineqalernissaa qulakkeerneqassasoq. Tamatuma saniatigut aamma isummersuutigineqarpoq, utoqqaat puigortunngorsimasut namminneq angerlarsimaffiminniiginnarsinnaajunnaarsimasut najugaqarfimmi naleqquttumi najugaqartinneqarnissaat qulakkeerneqassasoq. Pingaartumik puigortunngorsimasut eqqarsaatigalugit maannakkut peqqinnissaqarfiup akornanni (aamma Ilaqutariinnermut, Kulturimut Naligiissitaanermullu Naalakkersuisoqarfiup sinniisuutitaqarfigisaani) misissuinermi anguniarneqartoq eqqaaneqartoq tassaavoq, utoqqaat angerlarsimaffiini puigortunngorsimasunut immikkoortortaqaarfimmi matoqqasunik pilersitsinissaq.

Neriusaami maannakkut ineqartunut arfineq-pingasunut inissaqartitsilluni matoqqasumik immikkoortortaqaarpoq. Maannakkulli najugaqartut puigortunngorsimasut katillugit 13-15-iupput. Tamatuma saniatigut puigortunngorsimasut angerlarsimaffiminniiginnartut Neriusaamut inissaqaleriapata nuutsinneqarnissaanik kissaateqarfigineqartut arlaqarput. Tamanna pillugu uppersarneqassaaq, immikkoortortami matoqqasumi inissanik amerlanerusumik pilersitsisoqarnissaa annertuumik pisariaqartinneqarmat.

Taamaattumik puigortunngorsimasunut matoqqasumi immikkoortumi amerlanerusunik inissanik pisariaqartitsinermut, innarluutilinnut immikkoortumik amerlanerusunik inissaqartitsisumik pilersitsinissamik siunnersuummut tapertaliullugu pilersitsisoqarsinnaanersoq Ilaqutariinnermut Immikkoortortami misissorneqarsimavoq. Tamatuma sulinerup kingunerisanik siunnersuusiortoqaarpoq, taannalu ilanngussaq 2-tut ilanngunneqarluni.

Tamanna akuerineqassagaluarpat, tullinnguuttut sulissutigineqarsinnaapput:

- 1) Puigortunngortunut immikkoortortanik marlunnik 16-inut inissaqartitsisumik pilersitsineq. Taamaalilluni pisariaqartitsineq matussuserneqarsinnaassaaq, siunnersuutitigullu utoqqarnut tungasutigut siunissami unammillernarsinnaasut nammanneqarsinnaalluarneqarnerussallutik.
- 2) Innarluutilinnut najugaqarfimmi arfineq-pingasunik inissaqartitsisumik pilersitsineq. Maani innarluutillit arfineq-pingasut inissaminnik pisariaqartitsissanngippata, inissat atorineqanngitsut taakku assersuutigalugu maannakkut ininut marlunnut tamatigoortumik atorineqartunut ilanngunneqarsinnaapput. Tamatumunngalu nalilerneqarpoq, siunissami inersimasut inissanik taakkuninnga atorfissaqartitsiviumaassasut. Taamaakkaluatoq inissat taakku marluk maannakkut pigineqartut peqqutaallutik, Maniitsumi 2012-imi peqqissaavimmi uninngatitsinermi aningaasartuuteqanngilaq.

Taamaalilluni pilersaarut piviusunngortinneqaraluarpat, Neriusaami puigortunngortunut inissat katillugit 16-iussagaluarput, nalinginnaasumi inissat t18-iussagaluarput, innarluutilinnullu inissat arfineq-pingasut tungaanuussagaluarlutik. Tamatuma saniatigut ininut tamatigoortumik atorineqartut minnerpaamik marluk.

Nalinginnaasumik inissanut sanilliullugu puigortunngortunut inissanik ingerlatsinermi aningaasartuutit nalinginnaasumik qaffasissorujussuusarput. Ilaatigut sulisut qaffasinnerusumik ilinniagaqarsimasariaqarlutillu sulisutigut amigaateqannginnerusariaqarpoq.

Neriusaap nammineerluni nalilerpaa, puigortunngorsimasunut immikkoortuni taakkunani marlunni nutaassani suliassat ataatsimoortinneqarpat iluaqutaasinnaasoq.

Aningaasaqarnikkut kingunerisinnaasat suliareqqinneqassapput, tassa 2013-ip aallartinnerani naatsorsuutit saqqummiunneqarnissaat siunertaalluni.

Najugaqarfik ataaseq amerlanerusulluunniit utoqqarnut inissianngortinneqarnissaannik siunnersuummik aamma saqqummiussisoqarnikuuvoq. Inissiat ataasiakkaat nalinginnaasumik attartortakkanut piumasaqaataasunut naammassinnitsilerlugit igaffilerlugit il.il. allanngortinneqarsinnaassapput. Allanngortiterinissamat Namminersorlutik Oqartussat aamma akuersitinneqarsinnaassapput.

Tamatuma saniatigut utoqqaat angerlarsimaffiani najugaqartut inissisimanermikkut assigiinnngitsuusut akulerutsinneqarpata qanoq issanersoq naliliiffigineqarnikuuvoq. Utoqqaat angerlarsimaffiani inissat piusut ilaat allanngortinneqarnissaat imatut ernumanartoqarnaviannngitsoq nalilerneqarpoq. Najugaqartut ilaat angerlarsimaffimmi ikiorteqartinneqarnermikkut ikiorserneqartarnissaat najugaqartut, ilaquataasullu paasinninnissaat, nassuiaanneqarnissaallu ajornakusuusaaq – utoqqaat pisinnaanerusut najugaanni najugallit assigalugit ulluinnarni tassannaannartumik pisariaqartinneqartut utoqqaat namminneq, ilaquataasut allalluunniit isumagissassarigaat paasitissallugu aamma ajornakusoorsinnaassaaq.

Naalackersuisut utoqqarnut iliuusissatut siunnersuutaanni aamma eqqaaneqarpoq, siunissami utoqqaat amerliartornissaannut inissanik naammattunik pigisaqalernissamik pisariaqartitsilernissamat naapertuuttumik utoqqarnut najugaqarfiit/inissiat amerlineqarnissaat qulakkeerneqassasoq, soorluttaaq utoqqarnut inissaqartitsiniarnikkut ajornartorsiuteqarneq pillugu peqqissaavinni uninngasitsisarneq pinngitsoortinniarlugu, utoqqarnut ineqarnikkut neqeroorutit assigiinnngitsut amerlanerusariaqartut.

Qeqqata Kommuniani tamani utoqqaat angerlarsimaffiinut utoqqaallu inissiaannut ataatsimoorussamik inissiisarnissamat siunnersuut 2011-ip qeqqani suliarineqarpoq. Siunnersuulli politikikkut suliaannngortinneqanngilaq. Utoqqaat illuani/utoqqaat angerlarsimaffiani inissanik suliaqarnermut atatillugu, inissat tamarmik atorneqartarnerinut ataatsimoorussamik inissiisarnemi pitsanngorsarneqarsinnaanera piuminarsarsinnaaneralu isiginiarneqarnissaa pissusissamisoorpoq.

Tamatuma saniatigut Maniitsumi ilaqutariinnermut immikkoortortap siunnersuutigaa, najugaqaqatigiiffiit tallimaasut (init 21-t) pigiinnarneqassasut. Najugaqaqatigiiffiit tamakkiisumik maannakkut inigineqanngillat, inuusuttulli inersimasut (20-30-nik ukiullit) arlaqarput, taakkulu angajoqqaatik qimallugit nuussinnaanissaannik periarfissinneqassallutik, najugaqaqatigiiffiillu pisariaqartinneqarput, soorlu ulloq unnuarlugu angerlarsimaffinniit periarfissatut allatut atorneqarsinnaallutik.

Aningaasaqarnikkut allaffissornikkullu kingunerisinnaasai

Innarluutilinnut peqqussut naapertorlugu inissaqartitsinerit tallimaniit katillugit arfineq-pingasunut amerlineqarneratigut, Nerijsaaq-mut akiliutit inissamat ataatsimut ukiumut 330.000 koruunit missaanik annertusissapput.

Taamatuttaaq innarluutilinnut immikkoortortap missingersuutaanut aningaasartuutit taamatuttaaq annertusissallutik. Nalilerneqarporli, innarluutilinnut missingersuutip ataatsimut annertoreemat – immikkoortullu iluani aningaasaliissutinik ataavartumik allannguinerit ingerlanneqartarmata, taava konto 48-ip ataatsimut sinaakkutaata iluani aningaasartuutit akilerneqarsinnaaneri periarfissaqartoq.



Illuutini teknikkikkut iluarsiiisutissaaqqaat, sulisunillu il.il. piginnaasatigut qaffassaanissaq, ataasiartumik aningaasartuutigalugu 0,1 mio. koruunit nalinginut ingerlanneqarsinnaassasoq nalilerneqarpoq.

Missingersuutitut sinaakkutit iluini aningaasaliissutigineqarsinnaasariaqarput.

Allaffeqarfiup naliliinera

Ilaqutariinnermut Immikkoortortap nalilerpaa, siunnersuutip 1-ip 2-llu ingerlanneqarnerisigut siunissami Neriusaami utoqqarnut neqeroorutit pitsanngoriassasut, ilutigalugulu innarluutilinnut inissatigut neqeroorutik aamma amerlineqarsinnaassasut. Pitsanngorsaatit aamma Naalakkersuisut utoqqarnut iliuisissaattut siunnersuutaannut aamma naapertuupput.

Tamatuma saniatigut nalilerneqarpoq, ullumikkut – aammalu ilaatigut siunissami – Neriusaami najugaqarlutik innarluutilinnut paaqqutarineqarnissaminnik pisariaqartitsisunut neqeroorutit pitsaanerulersinnaassasut.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap apriliip 17-ani 2013-imi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 7-ani 2013-imi ataatsimiinnermini akuersissutigivai.

- Neriusaami illersukkatut inissat arfineq-pingasuniit 16-inut amerlisinneqassasut.
- Neriusaami innarluutilinnut inissat ataatsimoortinneqarlutik arfineq-pingasunut inissaqartitsisoqalissasoq

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussat

1. Neriusaamit tusarniaanermut akissutit pillugit allattukkat
2. Imikkut.ittumik ataatsimiinneq 211112. Imm. 07-mut bilagit

Imm. 12 Aqutsivik Sisimiut 2013-mi tikaagulliit pingasut qoorortoorsorluni pisassat agguaannissaat pillugu paasissutissiissut

Journalnr. 72.01.03.01

Tunuliaqutaq

Aalisarnermut, Piniarnermut Nunalerinermullu Naalackersuisoqarfiup ulloq 22.februar 2013 ullulertug arfernik angisuunik nunap immikkoortuinut 2013-mi pisassiissutit pillugit tusagassiorfinnut nalunaarutaat.

Maleruagassatigut tunngavissat

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 4, 7. februar 2013-imeersoq.

Pissutsit atuuttut

2012-mi qoorortoorsorluni tikaagulliit pingasut pisassiissutit imatut agguaanneqarput: Tikaagulliit marluk Sisimiuni aalisartut peqatigiiffiit SAAPP ilassortaanut piniaqatigiinnut marlunnut aammalu SAPP-p ilaasortaanut pisasiissutigineqassasut, makitsinikkullu kikkunnit piniarneqarnissaat aalajangerneqarluni.

Tikaagullik ataaseq Sarfanguani Itillimilu piniartut ataatsimoorlutik piniagassaattut pisassiissutigineqassasoq.

2012-mi tikaagulliit qoorortoorsorluni pisassiissutit pingasut pisarineqanngillat.

2013-mi qoorotoorsorluni pisassiissutit pingasut kikkunnut pisassiissutigineqarnissaat pillugu Sisimiuni, Itillimi Sarfanguanilu aalisartut piniartullu peqatigiiffii, kiisalu Itillimi Sarfanguanilu nunaqarfimmit aqutsisut tusarniaavigineqarput.

SAPP tusarniutigineqartunut akissuteqarnermini siunnersuutigaa SAPP-mut ataaseq, SAAPP-mut ataaseq, kiisalu Sarfanguanut Itillimullu ataaseq makitsinikkut pisassiissutigineqassasoq.

SAAPP tusarniutigineqartumut akissuteqarnermini pisassinneqarnissaminut qinnuteqarpoq, malugeqquneqarporli qinnuteqartut aallaavigalugit agguaassinissaq pissasoq.

Itillimi nunaqarfimmi aqutsisut tusarniutigineqartoq pillugu siunnersuutigaat makitsisoqarnissamik piumasaqarlutik nalunaarput. Ukioq kingulleq Itillermiut Sarfanguarmiullu tikaagullik ataaseq ataatsimoorlutik pisassiissutigineqarmat, orsussaajannarnermik kinguneqarsimanera patsisigineqarpoq. Taamatut Itillimi aalisartut piniartullu nunaqarfimmilu aqutsisut siulitaasuat ataatsimiinnermini isummerput, ataatsimoorunnagu pisassap ullumikkullu isummerfigaat, qulaani taaneqartut makitsineqassasoq.

Qullersaqarfiup oqaaseqaatai

Soqanngilaq

Allaffeqarfiup naliliinera

Pisassiissutigineqartut pillugit tusarniaanermut akissutit siunnersuutigineqartut tunngavigalugit allaffeqarfiup siunnersuutigaa, tikaagullik ataaseq SAPP-mit aqunneqarluni pisassiissutigineqassasoq, aammalu tikaagullik ataaseq SAAPP-mit aqunneqarluni pisassiissutigineqassasoq, kiisalu ataaseq Itillermiut Sarfanguarmiullu akornanni makitsissutigineqarluni pisassiissutigineqassasoq.



Allaffeqarfiup innersuussutaa

Allaffeqarfiup innersuussutigivaa pisassiisutit pingasut imatut agguanneqassasut:

- 1) Tikaagullik ataaseq SAPP-mik aqunneqarluni pisassiissutigineqassasoq
- 2) Tikaagullik ataseq SAAPP-mik aqunneqarluni pisassiissutigineqassasoq, kiisalu
- 3) Tikaagullik ataaseq Itillermiut Sarfannguarmiullu akornanni makitsissutigineqarluni pisassiissutigineqarluni pisassiissutigineqassasoq.

Borgmesterip suliamik suliaqarnera

Kommunalbestyrelsi sinnerlugu maajip 3-ani 2013-imi borgmesteri aalajangiivoq, innersussutigineqartut akuersissutigineqassasut.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Aalisarnermut, Piniarnermut Nunalerinermullu Naalackersuisoqarfiup ulloq 22. februar 2013 arfermik angisuunik nunap immikkoortuinut 2013-mi pisassiissutit pillugit tusagassiorfinnut nalunaarutaat.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 4. 7. februar 2013-imeersoq.
3. Sisimiuni Aalisartut Piniartullu Peqatigiiffiata tusarniaatigineqartuq pillugu siunnersuutaa. Itillimi aalisartut piniartullu peqatigiiffiata nunaqarfimmilu aqutsisut ataasimoorlutik tusarniutigineqartumut akissutaat. Sisimiuni Angallateerarsorlutik Aalisarnermut Piniarnermullu Peqatigiiffiata tusarniaanermut akissutaat.



Imm. 13 Aqutsivik Maniitsoq 2013-mi tikaagulliit pingasut qoorortoorsorluni pisassat agguaannissat pillugu paasissutissiissut

Journalnr. 72.01.03.01

Tunuliaqutaq

Aalisarnermut, Piniarnermut Nunalerinermullu Naalakkersuisoqarfiup ulloq 22.februar 2013 ullulertu arfernik angisuunik nunap immikkoortuinut 2013-mi pisassiissutit pillugit tusagassiorfinnut nalunaarutaat.

Maleruagassatigut tunngavissat

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 4, 7. februar 2013-imeersoq.

§ 4, Imm. 3. Tikaagullinniarnissamut arfvinniarnissamut qipoqqarniarnissamullu licensit sumiiffinni kommunalbestyrelsimut qinnuteqareernikkut aammalu nunaqarfinni aqutsisunik sumiiffinnilu aalisartut piniartullu peqatigiiffiannik tusarniaareernikkut tunniunneqassapput. Licensit normulerukkat tunniunneqassapput, taakkulu Piniarnermut Naalakkersuisoqarfiup kommunalbestyrelsimut nassiutissavai.

Imm. 4. Kommunimi arfernut angisuunut licensit imaluunniit akuersissutit agguaanneqartut qinnuteqaatinut tiguneqarsimasunit ikinnerussappata tikaagullinniarnissamut agguaassisoqassaaq tullerriiarilluni, ukiumi siuliani pisarineqarsimasut kiisalu licensit aamma akuersissutit atorneqanngitsut isiginiarlugit.

Ataatsimoorluni tikaagullinniarneq

§ 12. Piniarnermut Naalakkersuisoq akuersisinnaavoq ataatsimoorluni piniarnermi amerlanngitsunik qamutilimmik tuukkartalimmik sakkoqanngikkaluarluni tikaagullittoqarsinnaaneranut.

Taamatut akuerinnittoqarsinnaavoq piniarneq nunaqqatigiinnut annertuumik pingaaruteqarpat aamma nunaqqatigiit angallatinut tuukkartalinnik qamutililinnit neqinik nutaanik naammattumik pilersorneqarsinnaanngippata.

Imm. 3. Kommunip ataatsip iluani ataatsimut licensinik agguaassinermi nunaqarfiit salliutinneqartassapput tulliullugillu illoqarfut tuukkartalinnik qamutililinnik angallateqanngitsut.

Pissutsit atuuttut

2012-imi qoorortoorsorluni tikaagulliit pingasut pisassiissutit imatut agguaanneqarput

Atammimmi piniaqatigiit gruppe 2 aamma Napasumi piniaqatigiit tamarmik ataatsimik pisassinneqarput. Pisassiissut sinneruttoq ataaseq Kangaamiuni piniaqatigiit gruppe 3 aamma Maniitsumi piniaqatigiit gruppe 3 akornanni makitsissutigineqartussatut aalajangiiffigineqarmat makitsisoqarnerani Maniitsumi piniaqatigiit gruppe 3 makitaalluni pisassinneqarpoq.

Pisassat takkua pingasut tamarmik pisarineqarput.

Ulloq 3. september 2012 Naalakkersuisoqarfimmit agguaasseqqittoqarmat Qeqqata Kommunia marlunnik pisassinneqarpoq. Kommunimit agguaanneqarmata Kangaamiuni piniaqatigiit gruppe 3 ataatsimik pisassinneqarpoq. Pisassiissut sinneruttoq ataaseq Atammimmi, Napasumi aamma Maniitsumi piniaqatigiit tullinnguuttut akornannni makitsissutigineqarmat Maniitsumi piniaqatigiit gruppe 1 makitaallutik pisassinneqarput.

Pisassiissutini taakkunani Kangaamiuni piniaqatigiit gruppe 3 piniagartik kivisivaat. Ukiap ingerlanerani silamik peqquteqartumik Maniitsumi piniaqatigiti gruppe 1-p pisassaq aamma pisarinngitsoorpaat.

2013-mi qoorortoorsorluni pisassiissutit pingasut kommunimit agguaanneqarnissaat pillugu Maniitsumi, Atammimmi, Napasumi aamma Kangaamiuni aalisartut piniartullu peqatigiiffii aamma nunaqarfimmi aqutsisut tusarniaavigineqarput.

Napasumi aalisartut piniartullu peqatigiiffiata akissuteqarnerminni siunnersuutigaat Napasumi pini-aqatigiit, Atammimmi piniaqatigiit aamma Kangaamiuni piniaqatigiit pisassinneqassasut.

Atammimmi aalisartut piniartullu peqatigiiffiata siunnersuutigaat Atammimmi aamma Napasumi piniaqatigiit pisassinneqassasut. Kangamiuni Maniitsumilu qamutileqassuseq aallaavigineqassasoq taakkunani piniaqatigiit arlaat toqqarneqarnissaani. Tassunga tunngatillugu Allaffeqarfiup ilisima-titsissutigissavaa Maniitsumi angallatit 2-t qamutileqarmata Kangaamiunilu angallatit 3-t qamutileqarlutik.

Kangaamiuni aalisartut piniartullu peqatigiiffiani siulersuisut 6.maj 2013 ataatsimiinnerminni siun-nersuutigaat 2012-limisut pisoqassasoq tassalu Atammik Napasorlu tamaasa ataatsimik tuneriarlugit pisassiissut ataaseq Kangaamiormiunut Maniitsormiunullu makitsissutigineqassasoq. Taamatut siunnersuuteqarnermut tunngavigivaat taamaaliortoqarneratigut piniartut ataqqinnittumik tigusarmassuk ingerlaannarli tunniutiinnarneqaraangat naammagittaalliutit ingerlaalertarmata, ne-riupput paasilluarneqassasoq.

Maniitsumi umiatsiaararsorlutik aalisartut piniartullu peqatigiiffiat oqaaaseqaatiminni imatut allap-put:

Maniitsumi august 2012-imi tunitsivissaqannginneq pissutigalugu Maniitsumi umiatsiaararsortut isertitaqarniarnikkut annertuumik eqqugaapput. Suaat eqqaassanngikkaanni allanik tunitsivissaqan-ngillat aammalu fabrikki matoqqalluni.

Tamanna tunngavigalugu tikaagullimmik pisassinneqarnissartik kissaatiginartippaat.

Kangaamiuni nunaqarfimmi aqutsisut akissuteqarnerminni siunnersuutigivaat Kangaamiuni aamma Maniitsumi gruppe tullinnguuttut pisassiissut ataaseq makitsissutigissagaat.

Qullersaqarfiup oqaaseqaatai

Soqanngilaq

Allaffeqarfiup naliliinera

Atammik aamma Napasoq:

Arfernik angisuunik illersuineq piniarnerlu pillugit nalunaarummi § 12, imm. 3-mi aalajangersagaq tunngavigalugu nunaqarfiit qamutileqarfiunngitsut Atammik aamma Napasoq pisassinneqarnissaat allaffeqarfimmit nalilerneqarluni siunnersuutigineqarpoq.

Maniitsoq aamma Kangaamiut:

2012-imi upernaakkut agguasseqqaarnermi Kangaamiuni piniaqatigiinnut pisassiisoqanngilaq ukiakkullu pisasseeqqinnermut atatillugu kangaamiormiut pisassinneqaramik piniagartik annaavaat. Taamaamat kangaamiormiut umiatsiaararsortut 2012-imi tikaagullimmik pisaqartoqanngillat. Kangaamiuni aalisartut piniartullu peqatigiiffiat aamma Kangaamiuni nunaqarfimmi aqutsisut 2013-imi pisassiissutinik kommunip agguassinerani makitsisoqarnissaanik kissaateqarput.



Maniitsumi umiatsiaararsorlutik aalisartut piniartullu peqatigiiffiat piffissami sivitsortumi tunitsi-vissaqarsimannginnertik pisassinneqarnissamik kissaateqarnerminnut tunngavilersuutigivaat. Tusarniaaffigineqartut oqaaseqaataat tunngavigalugit pisassap sinneruttup ataatsip Maniitsumi aamma Kangaamiuni piniaqatigiit tullinnguuttut akornanni makitsissutigineqarnissaa allaffeqarfimmit nalilerneqarluni siunnersuutigineqarpoq.

Allaffeqarfiup innersuussutaa

Allaffeqarfiup innersuussutigivaa pisassiisutit pingasut imatut agguanneqassasut:

- 1) Tikaagullik ataaseq Atammimmi gruppe 1-imut pisassiissutigineqassasoq
- 2) Tikaagullik ataaseq Napasumi piniaqatigiinnut pisassiissutigineqassasoq, kiisalu
- 3) Tikaagullik ataaseq Kangaamiuni gruppe tullinnguuttut aanma Maniitsumi gruppe tullinnguuttut akornanni makitsinikkut aalajangerneqarluni pisassiissutigineqassasoq.

Borgmesterip suliamik suliaqarnera

Kommunalbestyrelsi sinnerlugu maajip 8-ni 2013-imi borgmesteri aalajangiivoq, innersussutigineqartut akuersissutigineqassasut.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Aalisarnermut, Piniarnermut Nunalerinermullu Naalakkersuisoqarfiup ulloq 22. februar 2013 arfernmik angisuunik nunap immikkoortuinut 2013-mi pisassiissutit pillugit tusagassiorfinnut nalunaarutaat.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 4. 7. februar 2013-imeersoq.
3. Napasumii Aalisartut Piniartullu Peqatigiiffiata tusarniaatigineqartooq pillugu siunnersuutaa. Atammimmi aalisartut piniartullu peqatigiiffiata tusarniutigineqartumut akissutaat. Kangaamiuni aalisartut piniartullu peqatigiiffiata tusarniaanermut akissutaa. Maniitsumi umiatsiaararsorlutik aalisartut piniartullu peqatigiiffiata tusarniaanermut akissutaa. Kangaamiuni nunaqarfimmi aqutsisut tusarniaanermut akissutaat.



**Imm. 14 2013-mi Qeqqata Kommunianut qipoqqaat pisassiissutit pingasut
agguaanneqarnerat pillugu paasissutissiissut**

Journalnr. 72.01.01.01

Tunuliaqutaq

Aalisarnermut, Piniarnermut Nunalerinermullu Naalakkerisoqarfiup 2013-mi qipoqqartassaasat
agguaanneqarnerat pillugu tusagassiorfinnut nalunaarutaa 22. februar 2013-meersoq.

Qeqqata Kommunianut qipoqqaat pingasut pisassiissutigineqarput.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr.
4, 7. februar 2013-meersoq.

§ 4. Naalakkersuisut pisassatut aalajangersimasaat naapertorlugu, kommunalebestyrelsi
tikaagulliusaanut piniarsinnaanermut akuersissummik, angallammik piginnittumut, angallammut
atia taasamut imaluunniit angallammut aalajangersimasumut tunniussissaaq, takuuk § 14.

Imm. 2. Naalakkersuisut pisassatut aalajangersimasaat naapertorlugu, kommunalbestyrelsi
tikaagullimmik ataatsimik, takuuk § 10, arfivimmik ataatsimik, takuuk § 17 **aamma qipoqqarmik
ataatsimik**, takuuk § 20, pinerit tamaasa licensimik ataatsimik, licensinik normulersukkanik
tunniussissaaq, licensimut piginnittumut, angallammik piginnittumut, angallammut atia taasamut
imaluunniit angallammut aalajangersimasumut.

Imm. 3. Tikaagullinniarnissamut arfivinniarnissamut **qipoqqarniarnissamullu licensit sumiiffinni
kommunalbestyrelsimut qinnuteqareernikkut aammalu nunaqarfinni aqutsisunik
sumiiffinnilu aalisartut piniartullu peqatigiiffiannik tusarniaareernikkut
tunniunneqassapput.**

Imm. 4. Kommunimi arfernut angisuunut licensit imaluunniit akuersissutit agguanneqartut
qinnuteqaatinit tiguneqarsimasunit ikinnerussappata arfernik angisuunik piniarnissamut
agguaassisoqassaaq tulleriiaarilluni, ukiumi siuliani pizarreqarsimasut kiisalu licensit aamma
akuersissutit atorneqanngitsut isiginiarlugit.

§ 21 imm. 1 malillugu angallatit qipoqqarniarnissamut akuerisat ukuupput:

- 1) Angallat ataaseq minnerpaamik 11,0 meterimik (t.t.) takissusilik
- 2) Qipoqqarmut ataatsimut angallatit ikinnerpaamik marluk tamarmik minnerpaamik 9,2 meter-inik
(t.t.) takissusillit

Pissutsit atuuttut

2010-mi pisassiissutit 3-it kommunemit imatut agguanneqarput:

Pisassat 2-t aqutsivik Sisimiut-nut
Pisassaq 1 aqutsivik Maniitsoq-mut

2011-mi pisassiissutit 3-it imatut agguanneqarput:

Pisassat 2-t aqutsivik Sisimiut-nut
pisassaq 1 aqutsivik Maniitsoq-mut

2012-mi pisassiissutit 3-t imatut agguanneqarput:

Aqutsivik Maniitsoq-mut 2-t
Aqutsivik Sisimiut-nut 1.



2012-imi Aqutsivik Maniitsoq-mut pisassiissutit 2-t angallatinut ukununnga pisassiissutigineqarput: Ataaseq piniatigiinnut Nathan Josefsen(Maniitsoq) aamma Kristoffer Jessen (Maniitsoq) Ataaseq piniatigiinnut Jens Meeraq Lyberth(Kangaamiut) aamma Nathan Josefsen(Maniitsoq)

Aqutsivik Sisimiut-nut pisassiissut ataaseq ukununnga pisassiissutigineqarpoq:
”Angajungua aamma “Eli Fontaine”, piniagartik annavaat / kivisivaat.

2013-mi qipoqqaat pisassiissutit 3-t kommunip iluani agguanneqarnissaat pillugu Qeqqata Kommuniani aalisartut piniartullu peqatigiiffii angallatinik qamutililinnik ilaasortallit tusarniaavigineqarneranni pisassiissutit agguanneqarnissaannut peqatigiiffiit imatut siunnersuuteqarput:

Kangaamiuni aalisartut piniartullu peqatigiiffiata(KAPP) oqaaseqaataa: Peqatigiiffimmit akornutissaqartinneqanngilaq ukioq manna aqutsivik Sisimiut 2-nik pisassinneqassappat aqutsivik Maniitsoq ataatsimik pisassinneqarluni. Kangaamiuni angallatit qamutilillit 9,2 meterimit takinerit marluk ”Inungasoq” aamma Ane-Marie” piniatigiittut pisassinneqarnissartik assut soqutigivaat. KAPP-mit taakkua salliutinneqarnissaat kissaatigineqarpoq aammali makitsinikkut aalajangerneqarsinnaanera ammaffigalugu. KAPP isumaqarpoq ukiumiit ukiumut nikittaallugit pisassiisarnerit ajunngitsuusut taamaatumik tamatuma ingerlaqqinnissaa pingartinneqarpoq naligiinnerusumik periuseqarnissamut tunngavissaammat.Ukiumi matumani Aqutsivik Sisimiut 2-nik pisassillugu aqutsivillu Maniitsoq 1-mik pisassillugu.

Maniitsumi aalisartut piniartullu peqatigiiffiata(MAPP) siunnersuutigaa, pisassiissutit imatut agguanneqassasut:

Peqatigiiffiup ajorinngilaa pisassiissutit taakkuutillugit aqutsivik Sisimiut aamma aqutsivik Maniitsoq ukiumiit ukiumut tulleriarinikkut marlunnik pisassinneqartarpara.

Ukioq mannamiit angallatit minnerit (30-31 fod) qipoqqarniarsinnaalermata ajorinngilaat aqutsivik Maniitsoq ataatsimik pisassinneqassappat Kangaamiormiut angallatit minnerit piniatigiittussat ukioq manna akuersissummik tunineqarpara. Ukiamut pisarineqanngippat maniitsormiut soqutiginnippat ilanngunnissaminnut.

Sisimiuni aalisartut piniartullu peqatigiiffiata(SAPP) siunnersuutigaa

Qeqqata Kommuniani qipoqqartassat pingassusunit marluk Sisimiuni ukioq manna pisarineqassasut.

Sisimiuni arfanniat tamarmiullutik kissaatigivaat aqutsivik Sisimiut-nut pisassiissutit agguanneqarnerat makitsinikkut aalajangiiffigineqassasoq.

Nunaqarfimmi aqutsisut:

Kangaamiuni nunaqarfimmi aqutsisut siunnersuutigaat tulleriarineq malinneqassasoq: Aqutsivik Sisimiunut 2-t Aqutsivik Maniitsoq-mut 1. Taamaattoq aamma allapput siunnersuutigisinnaallugu Aqutsivik Maniitsoq-mut 2 taavalu Aqutsivik Sisimiut-nut 1.Tamanna kommunalbestyrelsemut aalajangigassanngorlugu.

Aningaasaqarnikkut allaffissornikkullu kingunerisinnaasai

Ilanngussaqaanngilaq.

Qullersaqarfiup oqaaseqaatai

Soqaanngilaq.



Allaffeqarfiup naliliinera

Pisassiissutigineqartut qipoqqaat pingasut amerlassusii akunnammata aamma aalisartut piniartullu peqatigiiffiinit aamma Kangaamiuni nunaqarfimmi aqutsisunut tusarniaanermi akissutigineqartut tunngavigalugit kommunip agguaaassinerani aqutsiveqarfimmut taakkununga marlunnt pisassiissutit amerlassusaat ukiumiit ukiumut tulleriiaarinikkut aaqqineqartarnissaat allaffeqarfimmit orniginartinneqarpoq.

Tamanna soorlu aamma aalisartut piniartullu peqatigiiffiinit aamma nunaqarfimmi aqutsisunit kissaatigineqartoq.

2012-mi pisassiissutinit pingasunit aqutsivik Maniitsoq-mut marluk pisassiissutigineqarput aqutsivik Sisimiut-nut ataaseq pisassiissutigineqartoq.

Allaffeqarfiup innersuussutaa

Qeqqata Kommunianut 2013-imi qipoqqartassiissutit pingasut imatut agguanneqassasut:

Aqutsiveqarfik Sisimiut marluk pisassiissutigineqassasut.

Akuersissummik kikkut tunineqarnissaat makitsinikkut aalajangiiffigineqassasoq.

Aqutsiveqarfik Maniitsoq-mut ataaseq.

Akuersissummik tunineqassasut angallatit piniaqatigit Kangaamiuni angerlarsimaffeqartut GR 7-138 "Inungasoq" aamma GR 7-248 "Ane-Marie"

Borgmesterip suliamik suliaqarnera

Kommunalbestyrelsi sinnerlugu maajip 10-ani 2013-imi borgmesteri aalajangiivoq, innersussutigineqartut akuersissutigineqassasut.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussat

1. Aalisarnermut Piniarnermut Nunalerinermullu Aqutsisoqarfiup pisassiissutit pillugit tusagassiorfimmul nalunaarutaa 22. februar 2013-meersoq.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 4, 7. februar 2013-meersoq.
3. SAPP-p tusarniaanermut akissuteqaataa.
Maniitsumi Aalisartut Piniartullu Peqatigiiffiata tusarniaanermut akissutai. Bilag 4A og 4B
Kangaamiuni aalisartut piniartullu peqatigiiffiata tusarniaanermut akissutaa.
Kangaamiuni nunaqarfimmi aqutsisut oqaaseqaataat.

Imm. 15 Qeqqata Kommuniani kommunip susassaqrifiinik aqutsinermik ileqqoreqqusanik allannguinissamut siunnersuut

Journalnr. 01.00.01

Tunuliaqutaq

Pisuussutsit uumassusillit pillugit nutaamik ataatsimiititaliamik piniarnermut aalisarnermullu tunngasunik inuussutissarsiornernik suliaqartussanik ilassutitalerlugit, kommunalbestyrelsimi qinigaasut nutaat suleqatigiit aqutsinermik ileqqoreqqusat allanngortinneqarnissaat iluminni isumaqatigiissutigaa.

Aqutsinermi inatsit §, imm.2 naapertorlugu, aqutsinermik ileqqoreqqusamut nutaamut imaluunniit allannguutissatut siunnersuut kommunalbestyrelsimi marloriarluni, tassa minnerpaamik ulluni 14-
ini akutussuseqartumik suliarineqassaaq.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq (aqutsinermi inatsit)

Pissutsit atuuttut

Maannakkut aqutsinermut ileqqoreqqusaq naapertorlugu tullinnguuttutigut ataatsimiititaliaqarpoq

1. Aningaasaqarnermut ataatsimiititaliaq, aqutsinermut inatsit § 24, stk. 1, ataatsimiititaliamut borgmesteri siulittaasuvoq
2. Teknikkimut Avatangiisinullu ataatsimiititaliaq, tallimanik ilaasortaqqarpoq.
3. Inuussutissarsiuutinut Suliffissaqartitsiniarnermullu ataatsimiititaliaq, tallimanik ilaasortaqqarpoq.
4. Ilaqutariinnermut ataatsimiititaliaq, tallimanik ilaasortaqqarpoq.
5. Ilinniartitaanermut, Kulturimut Sunngiffimmullu ataatsimiititaliaq, tallimanik ilaasortaqqarpoq.
6. Aatsitassanut Attaveqatigiinnermullu ataatsimiititaliaq, tallimanik ilaasortaqqarpoq..

Pisuussutsit uumassusillit pillugit ataatsimiititaliamik nutaamik ilanngussinermi, tassa piniarnermik aalisarnermillu inuussutissalerinermik suliaqartunik Aatsitassanut attaveqatigiinnermullu ataatsimiititaliamut, pisuussutsinik uumassuseqanngitsunik suliaqartartunut illuatungiuussapput, aaqqissuussaankullu qullersaqarfiup ataani ataatsimiititaliaq inissinneqassaaq, tassungalu kommunip pisortaanera allaffissornikkut akisussaasuussalluni. Ulluinnarni allatseqarneq qullersaqarfiup allatseqarfianit ingerlanneqassaaq.

Pisuussutsit uumassusillit pillugit ataatsimiititaliap piniarnermut aalisarnermullu tunngasut tamaasa pingaarnertut suliassarai, soorlu umimmannik ungoorilluni piniarneq ilanngullugu. Aalisarnermut piniarnermullu ileqqoreqqusanik suliaqarneq, arferit pisassarititat agguanneqarneri, qilalukkat qernertat qaqortallu ilanngullugit. Piniarnermut aalisarnermullu il.il. tunngasutigut tusarniaanernut akissuteqarneq. Ataatsimiititaliaq ingerlatsinermut kontonik ingerlataqassanngilaq.

Aningaasaqarnikkut allaffissornikkullu kingunerisinnaasai

Aningaasaqarnermut kingunerisinnaasat eqqarsaatigalugit, ataatsimiititaliani siulittaasut akissarsiassaasat annikinnerulissapput, akissarsiassat ataatsimiititaliani siulittaasunut agguanneqartarmat.

Allaffissornikkut kingunerisinnaasat eqqarsaatigalugit, allaffissornikkut sulineq annertusissaaq, tassami ataatsimiititalianik sullissineq allaffissornikkut oqimaareermat, oqaluuserisassat suliarineqarnerisigut, ataatsimiititaliat ataatsimiinnissanik ataqatigiissaarinikkut kiisalu ataatsimiititaliap ataatsimiinnissaanut aggersaanikkut.

Qullersaqarfimmit oqaaseqaatit

Immikkut oqaaseqaatitassaqaanngilaq.

Allaffeqarfiup naliliinera

Teknikkimut Avatangiisinullu ataatsimiititaliani konto 2 akisussaaffimmi pisuussutit uumassusillit ilaasut allaqqavoq, tassanili qimmit qitsuillu pineqarlutik. Konto taanna TAA-p akisussaaffiit ilaaginnassaaq.

Kommunalbestyrelsimi suliap suliarinera

Kommunalbestyrelsi majip aallaqqaataani 2013-mi ataatsimiinnermini suliaq siullermeerlugu suliarivaa.

Aqutsinermut ileqqoreqqusap taamatut isikkoqarluni aappassaaneernissaminut ingerlateqqinneqarnissaa akuersissutigineqarpoq.

Innersuussut

Kommunalbestyrelsimi aqutsinermut ileqqoreqqusap aappassaaneerneqarnissaanut taamatut isikkoqarluni akuerineqassasoq allaffeqarfimmit innersuussutigineqarpoq.

Aalajangiineq

Ilanngussaq

1. Qeqqata Kommuniani aqutsinermut ileqqoreqqusanut siunnersuut

Imm. 16 Tamalaat